

左文襄公年譜

左文襄公年譜卷三

同治元年壬戌公五十一歲

正月戊戌公軍踰嶺攻開化寇辛丑至篁岸擊距險寇數千破之寇環馬金街築壘五十數里癸卯分道進攻一軍出高環一軍徑嚴坑出高坪皆令嚴陳不遽進而奇兵潛繞登橫嶺期出寇後夾擊屯寇見官軍來攻列隊出拒忽大兵乘嶺馳下寇錯愕棄械狂奔各軍推鋒竝進斃寇凡五千人悉毀寇柵壘寇分走遂安常山大軍遂駐馬金街飭王開來畱守開化是時諸軍援浙者福建遣軍屯處州松陽龍泉政和別將秦如虎屯溫州江蘇軍渡海收定海仙居民團起義攻台

州列縣寇寇酋李世賢踞金華聞公定開化益增黨來遂安圖復窺開化圍公軍而自由金華出龍游犯衢州先是公分軍援徽發

朝議以公奉命赴浙遲其行

嚴旨促公先入衢州以規金嚴公先後奏曰臣前奉

諭旨督辦浙江軍務甫三日卽接徽防將首逆楊輔清犯徽之稟臣深恐徽發疏虞則江西饒廣腹地防不勝防而衢州又成孤注不得已派馬步三千交劉典爲固發援徽之計擬此軍卽由徽入浙臣由玉山入浙旋賊眾數萬已由遂安踞開化逼發東與徽郡賊相首尾其勢又出官軍之後頻年東南賊

蹤每遇堅城必取遠勢包圍待自困而後陷之辦賊之法必
避長圍防後路先爲自固之計迺可以制賊而不爲賊所制
臣若先入衢州無論不能固江皖邊圍亦且不能壯衢城聲
援一墮逆賊長圍詭謀又成糧盡援絕之局故決計由婺入
浙先攻開化以清徽郡後路分軍由白沙關扼華埠收遂安
俾饒廣兩郡相庇以安然後由遂安以援衢州目前固不能
舍衢前進也金華介衢嚴之中臣軍若由金華進攻則嚴州
之賊必由淳壽潛出包鈔亦非善策似須依傍徽郡取道嚴
州而皖南浙西山鄉瘠薄食米從饒廣采運而來勞費殊多
師行未能迅速臣軍不滿九千徽信防軍正在戒嚴未可調

之入浙雖李定太衢州一軍李元度江山一軍人數皆與臣等然常迫切呼援惴惴不能自保臣亦未敢責其離城浪戰致損軍威此兵事餉事之難未可驟期恢復之效者也二月己未公遂進攻遂安未至城二十里止營寇屯聚城西楊村城寇偵官軍至出千餘人列山岡已復收入城是夜官軍數路攻楊村先出一軍北路佯攻城黎明軍至楊村負山俯水而進寇鼓譟沿岸下拒張聲恆劉璈先渡水西迎擊黃少春朱明亮橫截之陶鴻勛丁長勝兩軍踰嶺出其後三面合勢蹙擊寇大敗斬馘萬人城寇聞敗悉潰走復遂安夏氏析自婺源貽公書曰鉞下以五千士卒當全浙數百萬之賊來論

謂慎以圖之可以無患愚以爲慎於前攻亦當慎於後顧得尺則尺得寸則寸迺吾人拳拳弗失之學用兵何獨不然前此諸帥祇知前攻而所復疆土不轉瞬而復失之百姓之遭蹂躪更甚於未復之時鉞下自樂平浮梁而婺而遂安前後所得未嘗再失此鉞下之師所以超越諸將也惟願後此常守弗失未得之地慎於前攻不可輕犯賊鋒以墮詭計已得之地慎於回顧不使賊出我後頓棄前功公嘉納其言

景紫堂自

訂年譜云左公由太常寺卿升授浙江巡撫遂由發勦浙自遂安貽書殷殷下問復書云云奏葉軍務人員志節可傳請宣付史館摺云臣入浙督辦軍務夏忻詳舉兩浙形勢用兵次第以告所言多協機宜按夏氏自訂年譜是年又云左公貽書言鄙著景紫各刻宜彙爲一編俾有統宗書景紫堂全書五大字寄來以顏編首

時李世賢已

逼衢州東北分黨西掠招賢斷江常連道而自擁眾南趨江山踞石門花園港辛未王文瑞至軍令督老湘一軍守遂安公自引軍進常山水南先擊招賢寇走之而寇屯江山尤盛分擾楮竹街毛村甲戌公進四都剿楮竹寇書牘卷五是年此閒賊勢散漫李定太與次青擁多兵而不能戰無可如何明日進四都打行仗將此閒肅清後卽移營到江山從上而下打之兵數太單不敷分布而米糧尤難辦也未至寇遁走同時嚴州寇再出犯遂安王文瑞力戰卻之三月乙未江山軍李元度擊毛村寇寇遂繞犯峽口福建援軍敗退浦城寇勢大張丁酉公軍進江山檄廣信防軍將顧雲彩助剿敗李世賢於清湖幾獲之遂分道攻石門花園屯庚子破石門寇壘七進攻花園不利寇

回據石門乙巳復攻破石門新墨花園寇來拒大破之乘勝
進薄屯丁未寇棄屯回踞龍游壽昌蘭谿分出援遂昌福建

援將林文察擊卻之李世賢還保金華

曾文正公集書札十八是年與公書云侍

逆兩年之內兩爲雄師所挫皆在二三月間浙賊雖多要以侍逆爲劇寇從此當不敢再犯顏行浙事必漸次旋轉沿江兩岸連克九城弟不敢引以爲喜獨閣下捍禦強寇不令江西東北再遭蹂躪卻是非常之喜不獨吾輩餉源所在民間亦不復能堪矣

公方議回剿衢州寇而甯國寇楊輔清擁眾由涇化

窺遂安公自常山回開化遣劉典由華埠出昏口是月李公鴻章自安慶率軍援蘇滬四月甲辰劉典軍抵馬金寇聞援軍至夜引去王文瑞追至涇安捕斬數百人寇由昌化走還甯國而龍壽寇偵官軍回援復分出上竄丁丑遣撤安越軍

五千人五月乙卯回軍衢州寇已環城築壘數十劉培元新軍至常山檄會廣信防將王德榜屈蟠軍進江山擊其西南飭衢州總兵李定太憲河提東路寇而部分各軍由北路進擊連破峽口蓮花屯會大水未進軍先是甯紹台道張景渠自定海招海盜復鎮海旋合英法軍攻復甯波仙居民團時亦破寇復台州公奏史致諤署甯紹台道崑齡署台州知府往撫定其地按張景渠前以失守斥職故公別遣史致諤往署甯波台州克復皆四月事至是乃遣員署其地寇陷湖州人趙景賢堅守逾兩載至是被執至蘇州殉之是月曾公國荃軍進規金陵六月丙辰公大舉攻衢北寇一日破寇壘三十城東南寇悉棄屯遁衢州解嚴公始議出

淳安壽昌攻嚴州以規杭城既審寇勢趨金華迺議先取龍
游湯溪蘭谿然後分兵嚴處以蹙寇當此時王文瑞軍守遂
安寇數來窺圖撓公後路王文瑞皆應時擊退李世賢偵公
進兵龍游復乘虛出淳安犯遂安公聞警分軍四千赴之而
調湖南新至魏喻義一軍由常山徑華埠扼馬金昏口曾文正公
集書札十九與公書云承派魏質齋駐馬金昏口感賴無窮
此路有可恃之兵則景發祁敬處處安穩否則蟻穴潰隄泛
濫千里能不做懼已已寇數萬撲遂安城王文瑞隨方守禦寇大敗
挫卒未援軍至合勢追擊寇還遁金華曾文正公集書札十
九與公書云竄犯遂
安之賊弟深恐其直趨婺景該處為弟與閣下汛地交際之
所徵軍不能過截每勞貴部應時驅除習慣成例今又得雄
師卻之感慰何極是月鮑超軍克甯國七月汰李定太軍劉培元署

衢州總兵檄率所部會睦金城進龍游城西圭塘崔大光等
軍進城北茶圩公率王德榜屈蟠各軍相繼進而遣劉典以
五千人屯高橋拒蘭谿寇丁酉劉典擊寇油埠殺千餘人寇
走合太平裘家堰屯乙巳分道攻屯垂破南岸寇出應復還
屯抗拒是月甯波軍復餘姚八月乙丑城寇撲圭塘壘劉培
元擊卻之己卯復出城來犯崔大光由北岸遮其後睦金城
引軍急進寇繞城而走逼攻之城上礮石雨下迺還次日李
世賢遣眾五千自蘭谿湯溪來援公親督各軍奮擊戰逾兩
時寇始敗退追擊殺千數百人寇迺由蘭谿永昌鎮出壽昌
上方嶺圖復犯遂安衢州以撓官軍會布政使蔣益禮新軍

抵衢州迺檄其部將總兵高連陞由梅嶺徑攻壽昌副將熊建益掘上方嶺蔣軍東出蘭谿會劉典攻太平裘家堰屯是月前失守布政使林福祥署提督米興朝至衢州公奏於軍前誅之福州將軍耆齡代慶端爲總督福建軍秦如虎復處州甯波軍復收慈谿公奏秦如虎署浙江提督進軍甯波閏月癸巳高連陞攻壽昌克之李世賢併力守太平裘家堰屯戊戌官軍合進破堅壘四寇屯南岸猶盛蔣益澧渡河擊之寇分踞羅埠湖鎮軍甫進羅埠寇目李世祥約降官軍自外乘之立夷其五壘湖鎮寇遁去九月公逼龍游城五里止屯迺檄蔣益澧全軍由羅埠攻湯溪劉軍逐屯湖鎮拒援寇甲

辰蔣軍進湯溪寇憑城壘發礮士卒多傷益引軍圍之

書續卷六

是年與郭意城書云蘇泉偪攻湯溪亡傷壯士頗多領恤養傷銀至七千餘兩可想而知攻堅無善策兄深以爲戒然遇衝要之地輒又非力攻不能見

官軍既進薄兩城寇呼金華

正慶兵龍游與猾賊鬪外力也

寇援日急蔣軍再擊蘭谿寇破之己未公軍奪龍游城東塔嶺築壘其上丙寅分軍攻城壘擲火丸入寇大亂遂破一屯殲其寇獲取旗械無算寇併力護他屯官軍肉薄乘之傷者至七百人迺收軍自是寇亦伏匿不出未幾捕得寇言李世賢悉調列郡寇踞金華而自由桐廬還溧陽於是檄魏喻義軍自遂安迺屯淳安銅關規嚴州迭破洋溪屯寇已而蘇常寇攻金陵圍軍皖南寇復熾陷甯國縣城徽州告警曾公國

藩促蔣軍赴援公遣王文瑞軍踰嶺屯休歛界草市

書牘卷六 是年

與郭意城書云鈴峰一軍僅二千五百人滌公屢呼薌泉往援不知正偪湯溪萬難遽拔即湯溪速下亦不能越嚴郡而援甯國也按曾文正公集書札二十覆公書云接重九惠緘即不思薌泉來皖及鮑張糧路梗絕又不克自持而書緘奉商不僅此次然也弟當危迫之際明知事不能行每每不自持而陳說及之胡潤帥昔年亦多不自持之時獨閣下向無此失從未出決辦不到之主意未發而調江西軍王沐守疆人以難之公顧故知賢於弟遠矣

遂安十月甯波軍克上虞嵎縣新昌寇皆遁於時甯波洋軍

隸英將者千人隸法將者千五百人既克上虞

詔公給劄法國軍將約以內地軍制公奏言臣惟人無中外其好惡同則其情理一忠信篤敬蠻貊可行內治克修遠人自服如賞罰不秉大公功敗不務核實以及冒銷錢糧侵扣軍餉

主兵者有一於此部曲尙且離心況以施諸荒遠內圉之人乎甯紹台道史致諤人尙明白或不至此臣亦當隨時誥誡期免愆尤惟是沿海各郡自五口通商之後士民嗜利忘義習尙日非又自海上用兵以來至今未覩戰勝之利於是妄自菲薄爭埒洋人其黠者且以通洋語悉洋情致富貴趨利如鶩舉國若狂自洋將教練華兵之後桀驁者多投入其中挾洋人之勢以橫行鄉井官司莫敢詰治近聞甯波提標兵丁多棄伍籍投洋將以圖厚餉此常勝一軍所以增至四千五百人也若不稍加裁抑予以限制則客日彊而主日弱費中土至艱之餉貽海疆積弱之憂人心風俗日就頹靡終恐

非訖臣擬熟察情形俟浙江局勢稍有轉機再與曾國藩李鴻章徐商妥策是月援金陵寇南走合旌德寇陷績溪王文瑞會徽防軍進攻丁未收績溪還屯草市十一月嚴州寇來攻銅關魏喻義設伏鐘嶺敗寇前鋒寇大隊俄至驚退官軍亦佯退寇易其軍少轉而攻西山民軍屯魏喻義屯銅關久結土民詞寇中動靜辛酉民船數十來迎軍言城中守備虛可取狀魏喻義遂率所部載攻具以往午夜薄嚴州城下寇無知者勇士梯西城以登寇譟起巷戰殺二千餘人餘寇奪門走攻西山寇聞之亦潰復嚴州城其時旌德寇復掠太平攻陷祁門王文瑞軍往援公檄劉典蘭谿軍助之未至王軍

已復收祁門劉典還軍蘭谿十二月甯波軍進曹娥江規紹興寇益西趨金華援龍游湯溪初蔣益澧併力開地道攻城壘公戒以攻堅非計當分兵雕勦援寇至公又戒以當乘寇營壘未定擊之已而地道爲寇所覺援寇自金華城西至白龍橋築堅壘連數十里蔣益澧懼請議罪公遂書讓之曰公部萬人攻一城三月未下蓋攻堅之難地道無成援賊復逼築堅壘事前實勸誠再三無如公自信太堅彊不可使何今雖未大損折但歷一事不能長一智吾與公不足惜恐漸事誤於我輩之手此心無以對天下後世也去其是己非人之心化其始驕終怯之念庶幾保無咎哉益澧得書惶遽急攻

援寇迭敗之 是年長子孝威入縣學應本省鄉試中式舉人家書是年與孝威書云榜發爾竟倖中三十二名且爲爾喜且爲爾慮古人以早慧早達爲嫌晏元獻楊文和李文正千古有幾天地間人與物早成者必早毀以其氣未厚積而先洩也卽學業亦然爾宜自加省懼斷不可稍涉驕亢以貽我憂

同治二年癸亥公五十二歲

正月湯溪寇黨通款官軍丁巳蔣益澧令兵伏濠中突起擒李尙揚等八人大軍自西門入斃寇六千餘人復其城高連陞熊建益疾出襲白龍橋援寇破走之乘勝進攻金華寇聞風遁龍游寇食盡圖竄出官軍急攻之戊午王德榜復請偪城南築三壘而伏軍城西以待己寇果自西門出余佩玉劉

明燈遮擊大破之寇不知官軍已得湯溪其夜城中自相鬪次日悉所掠突圍東走官軍分道追擊斃寇逾萬比至湯溪蔣軍嚴陳以待寇大駭奔金華其日高連陞已復金華府城遮餘寇悉殲之蘭谿寇譚星亦棄城走浦江劉典收其城同時福建軍將林文察收武義永康於是東陽義烏寇皆遁乙丑黃少春劉璈收浦江合軍進攻諸暨民團起應官軍寇懼獻城庚午復諸暨當此時金華列縣寇悉竄桐廬甯波軍已進北官渡迺飭蔣軍會攻紹興而檄魏喻義會水師收桐廬遏寇西竄癸酉甯波軍攻紹興城中民舉火爲內應復其城寇走桐廬丙子水陸軍竝進克桐廬浙東郡縣既定杭州

寇震怖悉眾拒富陽當是時蔣益澧軍進臨浦義橋當杭城南百餘里劉典軍已自諸暨追寇抵富陽距杭城八十里將佐皆奮欲乘勢規杭州公榮皖南寇勢猶盛而前破浦江寇酋譚星自於潛昌化竄出慮合太平石埭寇鈔衢嚴復犯江西迺諭將士擊寇以殄滅爲期勿貪克省城近功憚迂阻而忘大局奏稟卷四克復紹興桐廬摺云臣所部分駐嚴州外均隨臣進嚴州而劉典一軍仍回嚴州向皖南徽甯各營勿貪克省城之功冒進而忘大局勿憚江皖迂阻之勞就易而昧戎機將來皖南肅清臣籲懇天恩無論曾否克復省城總以殺賊多少爲勞績高下夏氏旻亦貽公書云皖一體甄敘庶人心奮而大局易平南與浙接壤由新安江順流而下數日卽抵武林自旌德不守賊蔓延於績歙休祁號僞王者十餘輩若不急爲殄除雖

得杭城賊自徽蹙之不能一朝居也

見景紫堂集自訂年譜

時劉典以

公薦授浙江按察使分軍八千人令將之會王文瑞軍防徽
分檄劉培元王德榜駐開化淳安扼寇衝蔣益澧全軍回攻
富陽公自金華進嚴州於時連歲寇亂官吏奔散公奏調所
知顧菊生周開錫吳大廷夏獻綸二十餘人又舉浙士丁丙
陳其元吳觀禮等分任以事新復州縣所在彫耗迺嚴飭富
民捐賑令軍士就地耕墾廣招鄰省農民畀以耕牛種籽奏
卷四 瀝陳浙省殘黎困敝情形片再浙江此次之變人物彫
耗田土荒蕪彌望白骨黃茅炊煙斷絕見屆春耕之期民間
農器毀棄殆盡耕牛百無一存穀豆雜糧種籽無從購覓殘
黎喘息僅屬者晝則緣伏荒畦廢圃之間擷野菜爲食夜則
偃枕頽垣破壁之下就土出以眠昔時溫飽之家大半均成
餓殍憂愁至極并其樂生哀歎之念而亦無之有骨肉外亡

在側相視漠然不動其心者哀我人斯竟至於此臣於去冬
曾籌補救十二條刊發各屬見復籌采買豆穀種籽購買耕
牛招集鄰省農民來浙耕墾冀將來或有生聚之望臣軍欠
餉已久雖所過分食煮粥俵散錢米然涓滴之施無裨大局
見查富紳某等飭其速措鉅款購米運回以救阡危而昭任
卹之誼家書乙丑與仲兄景喬先生書云江浙兵後田土
荒蕪招墾可行而開屯不便者爲其有主無主多有錯雜兵
民雜處最難相安弟昔在嚴州以兵荒米貴曾力爲此而用
心專在救饑民故有軍士耕種甫畢忽地主出認者有荒至
三年收穫時地主向分租者皆一概許與令軍士弗爭論故
按營向富陽時孩童婦女皆環拜泣謝而去其餘災區則止
借與籽種牛力并委官之耐勞有實心者於發賑者勸相之
此僅可謂之勸墾也劾奏道府以下及失守將吏十有七人二
不得謂之屯田也

月甯波軍復蕭山先是法將德克碑請增募千人助剿公不
許而以索紹興士民犒資數與官吏齟齬奉其公使檄將受
代歸來謁公公因其悔罪撫諭之德克碑感服願受節制迺

與嚴定條約令畱屯蕭山

書牘卷六
是年復總理衙門書云

旦無事勢必流而為匪且東岸兵單近賊操之未可過急而該紳變價之項欠四萬元致德克碑書夜向官催索德復請添募千人助剿宗棠嚴飭不準迺來嚴求見許之諭以既充中國總兵應照中國儀節而聽其遵伊國免冠執手舊制迨初次接見尙為恭順語及紹興犒賞一事尙知認錯宗棠先兩日接貴處撤回德克碑令實德校接統大咨未遽宣露意俟其來見觀其舉動再看緣實德校至甯卽索盤川銀五千兩爭執不休其好利不循情理已可概見德克碑既貴處與公使說明撤回正深媿懼如俯受約束則較實德校或易駕馭也宗棠接晤待以禮貌而微示以威嚴德克碑俯首連稱願出外力報効謹受節制比卽令其自立條約不準節外生枝一一遵從取有漢番字樣存案次日來見卽改易中國衣冠將兩額虬髯薙去以後或可就範見飭所部守蕭山將來撤遣之資亦經議定除備公牘咨呈照會該國提督外其自定條約外開如能遵照可否不必宣示免其惱羞成怒伏候鈞裁又書牘卷六
是年與甯紹台道史士良書云洋將宜撤弟早陳之論旨亦曾及之然紹紳之款不清必不聽撤徒有是言於事何益取邊之道必慎其發端在我實無可議

然後仗義執言直而能壯否
則煩言嘖嘖徒長葛藤耳
遣蔣錫光軍扼新城杭州寇益

遣師船保富陽壬午楊政謨羅啟勇先率水軍自桐廬駛赴
望礮船護寇舟數百列城下令前隊繞南岸截流攻其中而
分後隊當寇師船頃之礮發火箭迸注師船前陷寇中者至
是并投官軍羅啟勇受之令反礮轟擊寇大驚亂延燒寇舟
幾盡復登岸平堅壘二遂營富陽南岸其日蔣益澧會魏喻
義軍渡江屯新橋甲戌太平石埭寇窺漁亭王文瑞軍將丁
長勝王明輝敗之丙子犯祁門王文瑞自藍湖出擊殺寇千
餘人而寇往來徼休益盛劉典各軍自威坪趨大川口己亥
杭州寇數萬援富陽逼屯新橋蔣益澧督親軍伏田壠而遣

高連陞熊建益分左右出拒熊建益陷陳入左路寇敗北其
攻中路者遇伏駭而奔高連陞自右路窮追寇縱精兵鈔其
後王宗元中槍外蔣益澧自前搏戰高連陞得與大軍合挺
矛回鬪復大敗之寇益堅壘相拒劉典軍進屯溪是時皖南
寇一擾徽休圖越婺源入德樂一踞黟縣圖越祁門入浮景
庚子會徽防將唐義訓拒寇徽城東是日黃少春張聲恆奪
巖寺屯復再敗之潛口殲寇數千人寇走太平黟縣黃少春
進軍漁亭前屯漁亭將丁長勝數破寇寇繞由柏溪復犯祁
門王文瑞擊退之已而甯旌寇西竄建德檄王德榜還守浮
梁三月寇由建德取道新安嶺約黟縣寇合犯祁門丙辰王

文瑞調丁長勝軍合擊之千佛橋斃寇八千人癸亥劉典會江西軍將王沐收黟縣太平寇古隆賢益遣眾來爭復圖分竄徽休黃少春李耀南扼黃邨破之平其壘二十而池建寇遂由石門窺浮景王沐所部回屯景鎮王劉軍分屯祁黟相拒丁卯杭州寇呼蘇湖寇自餘杭犯新城屯將賴錫光不能拒檄魏喻義率二千人赴之四月丁丑朔敗寇板橋其夜寇至益眾魏喻義退保新城已卯蔣益澧畱熊建益守屯自率高連陞各軍援新城寇引去其日新橋援寇遂大舉攻屯熊建益出敗寇乘勝攻寇壘壘垂破建益中礮外蔣益澧聞警還屯壬午高連陞大敗援寇桐嶺水軍將羅啟勇楊政謨乘

杭州寇窺新城率師船駛赴閘口放火燒寇船數十順風竝進至杭城望江門登岸破寇壘一城寇兇懼悉呼援寇還守詔授公閩浙總督仍兼浙江巡撫迺耆齡福州將軍公陳前後戰狀且奏曰臣維官軍規取杭城原圖掣賊北竄之勢蘇常各賊之急援杭州本在意料之內惟規復局勢非重兵由新城臨安直擣餘杭不能扼杭城之吭而拊富陽之背臣原擬劉典一軍肅清皖南卽由分水臨安以擣餘杭迺徼休祁黠雖次肅清而賊由池州建德犯饒景劉軍勢須兼顧江西而太平石埭建德未清如赴饒景之援尙須分兵駐皖以遏賊衝更何能爲直擣餘杭之計通計臣軍三萬餘人劉典王文瑞

兩軍在皖者已一萬有奇。蔣益澧全軍攻富陽者亦一萬有奇。餘各營分撥下游新城、桐廬及紹郡義橋上游淳安、遂安、尚分防衢州、金華、嚴州。兵力實不爲厚。甯波一軍頗形尠。祿見方陸續汰遣。前督臣耆齡所轄各軍亦統領乏才。急須分別去留。約以營制迺可收餉節兵精之效。臣維力圖整飭。務免虛糜。如新隸各軍漸有把握。自當迅赴戎機。不敢稍涉遲延。自干咎戾。是月奏卹浙江殉難官紳九十有六人。曾公以公旣督閩浙。舉婺源景鎮河口釐稅歸餉江皖軍。書牘卷六是年與徐樹人書云。餉事直不可問。晏同甫自權粵督卽停粵釐不解。曾節相又以弟兼閩浙可用。閩餉卽索還景鎮河口及婺源之釐。用兵日久各省均以餉絀爲苦。亦無怪其然。於時軍餉尤絀。公迺遙糧臺衢州。

更定釐稅規約於溫州行運甌鹽

書牘卷六是年與周受三

知恩僕非不知也所謂法行者革惡俗治惡人之類上之所惡民之所惡也如是則怨之者少而德之者多政行無梗如流水矣若甌鹽則隱民取食者多剔弊興利與民無與吾之政令未張膏澤未施而先從此著力則宜有怨之者而無德之者孟子曰仁言不如仁聲之入人深可奏留甯波新關稅見吏事張弛亦必循序漸進未可苟也

資軍食

陳氏其元庸聞齋筆記云左爵相自奉甚儉所得養

撫平餘銀八千兩循例解往爵相謂今日之我無需於此款本可裁裁之則後任將不給於用不可以我獨擅清名而致他人於困境遂受之而轉而貽曾公國藩書曰兩淮鹽課甲給賑局其用心忠厚如此

天下陶文毅票鹽行之淮北而淮南有志未逮蓋其時謠詠

繁興之故今則事同翺始無所顧藉若一律辦理當於尊處

餉事有裨而淮南之鹽行銷淮南引地於義爲正大咨以止

論轄地不論引地爲言而引鄂湘之收淮釐證之鄙懷竊有
未喻安慶未復其浸灌鄂湘之鹽多從淮北而來否則賊中
之物故鄂湘得抽其釐然仍以川粵私鹽爲多而淮南北不
過偶有其事公督兩江又值安慶克復江路大通之時事兩
淮之利整頓固有嵯網收復淮南引地以資軍食鄂湘何能
與公爭迺以論轄地不論引地之說授之柄何也五月池建
寇犯鄱陽浮景告急劉典畱張聲恆李耀南守徽自引軍從
婺源出景鎮書牘卷六與李少荃書云劉廉訪合王鈴峯觀
察僅一萬餘人分布五處近又有援饒之役彼
此兵力均單而抗與歙與饒僅弟軍彌
縫其闕不得偏重一處亦局勢使然會江西軍攻寇陶溪
喻可宗力戰殲追破之于石門寇北走湖口彭澤六月石太

寇復掠祁門趨陷黟縣癸巳王文瑞會各軍逐寇羊棧嶺復

其城攻富陽各軍疾疫公病瘥亦困殆書牘卷六是年答沈

虛文一肩巨任則事無大小均在心頭弟幼丹書云請假亦是適斂兵守屯按奏

患瘥已兩月即乞假亦無代行之人也是月有軍中患疫七月江忠義新軍出江西攻湖口劉典軍復

俟秋涼進取片由鄱陽暨之鄱湖寇悉走青陽劉軍還徽州先是臺灣土寇

起嘉義提督吳鴻源與久持不能破至是公檄總兵林文察

所部往剿書牘卷六是年答徐樹人中丞書云各文武啟事

理凡兵事未有不痛剿而能撫者未有著意主撫而能剿者

惟解散脅從一策則無論何地何事皆可行之招撫與解散

名同實異招撫者散其黨且欲資其力解散則不復資其力

也官軍勝賊則民不畏賊而畏官軍一戰之後解散必多則

所役者真賊打一仗是一仗辦一起即了一起不惟易於成

功且令海邦浮動之民有所畏不敢逞數十年之利也吳鴻

源以攻堅爲事南北路聲息不通舍利就鈍林鎮軍尙能戰其弟文明聞亦勇敢若迺弟從山內殺出密菴從外衝入則中路通南北之賊可盡爲二台州土寇起奇田遣楊應龍率奏功較易不知渠能任此否五百人平之擒首逆管繼湧是月江蘇軍入浙攻嘉善嘉興寇北援相持於楓涇八月庚辰水陸軍大舉攻富陽辛巳徐文秀張志公渡江奪雞籠山堅屯遂盛兵攻城西壘至夜深破之黎明城寇奔散復富陽高連陞劉清亮將精卒馳攻新橋寇破其壘二十分軍屯新橋遂合水師長驅下擣杭州杭州餘杭兩城相距六十里見官軍日逼益築壘連四十里通餘杭丙戌調魏喻義康國器兩軍自新城趨餘杭己亥高連陞破清波門寇壘調洋軍隸之進屯萬松嶺蔣益澧軍畱下

是月王開琳代王文瑞領軍守祁門擊走青陽寇已石太寇
復由績溪犯徽劉典軍至合擊寇走甯國是時鮑超軍自蕪
湖進南陵江忠義軍進青陽曾公咨浙軍度嶺會師公慮皖
南寇勢蹙南趨浙境檄劉典移軍績溪王軍移駐屯溪書牘卷六
是年復曾節相書云皖南賊竄江西浙江均須由宣歙分途
青陽圍解則竄江西之勢輕鮑軍西上則由廣德東竄之勢
亦輕意者其遂由徽竄浙乎浙師除皖南兩枝外皆併力東
趨勢難回顧故飭老湘軍移駐休歙克菴全軍漸次東指務
絕其入浙之蹤未暇過嶺會鞠鮑江軍軍勢益盛亦無須浙
師之助自以截其入浙爲正已劉典以憂歸
黃少春領其軍九月庚戌杭州寇萬人攻萬松嶺屯高連陞
破走之王子分軍進據天馬南屏諸山攻餘杭軍破寇城東
花牌奪寶塔嶺屯駐之癸亥甯國寇分竄昌化於潛黃少春

自昱關嶺回援一戰擊走之寇遂由甯國掠孝豐走臨安圖
攻餘杭軍十月辛巳劉明鐙等軍自新城要之寇敗走湖州
己丑攻餘杭軍自天水橋以西增四壘爲餘杭聲援是月李
公鴻章軍克蘇州公以杭寇恃餘杭爲犄角非先下餘杭收
海甯則嘉湖接濟不斷十一月癸丑公迯軍富陽戊午躬赴
餘杭視師書牘卷六是年與周受三書云見在機局在餘杭
注進規嘉湖一城微數日親往下游督辦得此則杭城已成孤
迺有把握耳迯富陽各軍進餘杭西南調黃少春軍自分水
出新城扼餘杭西北丁卯馳使召蔣益澧率九營至會楊昌
潛等軍薄城下戰一日殺傷甚衆寇酋鄧光明被傷昇入城
書牘卷六是年與徐樹人書云廿四日各軍到齊與賊血戰
一日僞歸王鄧光明帶傷惟汪逆海洋尙倔強如故外數僞

王則無甚伎倆耳三數日當遯老營駐餘杭橫溪其夜寇益
惟病後血氣大虧不能騎馬陷陳私用忿憤也

增壘作長濠屬之瓶窑通饒道己巳公進橫溪蔣軍還屯畱
下是月江蘇軍破寇楓涇克嘉善平湖乍浦海鹽悉反正十
二月高連陞攻杭州鳳山門屯寇分道出拒連陞乘寇陳未
合縱兵攻之寇大披靡破其九壘水師亦破潞江石壘一甲
戌遂偪城圍其四門寇堅守古塘壘相拒乙亥黃少春等破
餘杭城東七壘己亥大舉進攻楊昌濬軍城北康國器軍城
東魏陰義等列營西北分寇勢復破陡門堅壘其日黃少春
一軍繞攻瓶窑屯未下明日各軍越城北攻臨清堰寇酋汪
海洋阻水拒官軍官軍深入遇伏副將余佩玉外之士卒殿

者亡三百人當是時皖南寇古隆賢舉石埭太平旌德降官軍守東壩連下建平高淳溧水金陵寇呼李秀成入謀他竄獨李世賢踞溧陽與句容廣德寇相倚中梗官軍於是公迯書曾公趣皖南防軍自甯國攻廣德寇浙軍分由昌化於潛進孝豐規湖州與合勢曾公以軍少未能游擊而飭各軍守江皖城隘已而李公鴻章克無錫上言當益軍攻嘉興會浙師一軍攻常州通金陵圍城軍

上下其議公奏曰金陵寇勢已蹙句容溧陽廣德均爲賊據其必由此逃竄殆無可疑臣三次函商曾國藩遠防不如近剿請其注意廣德設寇由廣德竄入皖南腹地晝夜疾馳不數日

即可出險恐守城各將來弗擊去弗追終成不了之局也曾國藩所慮以無大支游擊之師臣竊以爲賊勢實窮官軍兵力亦未爲薄如權緩急應之蘇州旣克杭州之圍正急海甯嘉興之賊不足爲蘇州之患也常州陳坤書李鴻章言其不甚耐戰暫舍不攻金陵破常州必應手而下惟溧陽守賊李世賢狡悍著聞賊竄必假道於此李鴻章如暫緩嘉興常州不攻由無錫迤軍急攻宜興溧陽西北與曾國藩溧水守軍聯絡縱未能卽拔較空此一路任賊竄過自爲勝之曾國藩力持堅守之議見正布置皖南江西防兵固爲老成之見然賊知我以堅守爲主必不攻各將以堅守爲事必不戰倘賊

舍城不攻從間道疾馳而過恐調撥尾追亦有所不及何如
厚集兵力扼廣德建平東壩與李鴻章一軍聯絡之爲得乎
臣思慮所及敢畢獻其愚疏入李公已進兵嘉常曾公調各
軍未集而廣德寇已由甯國竄陷績溪曾文正公集書札十二與公書云逼潛
台龍之說屢承指示弟亦深解此義奈春霆守東壩卽不能
攻廣德九月來私擬味根逸亭可當廣德一路不意味根謝
世逸亭未抵皖故舍近勦而言遠防僅令江席兩軍防石門
毛有銘駐休甯迺三軍均未成行而賊已由廣德甯邑上竄
績溪失陷若該逆於績溪小作停蓄各軍或可
力圖堵禦連日大雪苦寒不能拔營深用焦灼
是月海甯寇
目蔡元隆見杭嘉軍逼歸誠官軍蔣益澧請以廖安之知海
甯往覘之而自率輕卒軍隔江小泗渡安之至海甯蔡元隆
卽渡江籍軍械人眾以獻已亥收海甯州更元隆名曰元吉

留四千人使將之規桐鄉以張景渠葉炳忠守海甯

詔核減杭嘉湖漕糧稅則公以三府未復迺請并減浙東地丁南

米浮收緩征本年額賦

書牘卷六是年與溫處道周受三書云減徵一事最爲當今急務各處情

形不同不能一律亦自然之理湖南所以勝於湖北湖北所以勝於江西者同一減徵而施爲自別也若概定一章巨履必難成亦不久耳

上允行之 是年京察異等

同治三年甲子公五十三歲

正月甲辰蔡元吉乘夜襲桐鄉梯城寇驚覺拒堞傷百餘人遂軍城西南蔣益澧遣李邦達會張景渠軍其東南戊申守寇何培章舉城降庚戌收桐鄉令何培章率其眾三千人守

烏鎮扼杭嘉孔道公遣人修張楊園先生墓置守冢田宅公

親書碑表其阡

文集卷二張楊園先生寒風伫立圖跋云同治初余率師定兩浙爲先生表其遺阡書大

儒楊園張先生墓碑泐石竝略置守冢田宅畀其後人俾世守勿替

廣德寇遂由績溪竄昌化

屯將劉明珍不知寇大至以數百人出禦力戰幾陷寇寇亦

疑有大軍退屯昌化西北諸山於是公遣魏喻義自新城屯

嚴州喻德成屯金華戴奉聘屯衢州調援皖軍王開琳由屯

溪下趨淳安黃少春一軍自餘杭會之遏寇衝未至寇竄淳

安守將唐連勝扼威坪寇改由深渡趨遂安屯績溪寇亦取

間道至遂安昏口王開琳先赴臨溪拒績溪寇聞寇亦東趨

迺繞白際嶺出遂安截擊丁巳戰昏口殺寇千餘人黃少春

行至嚴州聞警疾馳入遂安城寇已大至已未出城北三路拒戰相殺傷甚眾會昏口敗寇竄至益縱兵擊之寇大壞亂殺七千人次日會王開琳軍復敗之寇以千餘人遁開化華埠而寇之屯績溪者猶眾公檄王開琳回軍淳安黃少春追華埠寇時張運蘭除福建按察使方率湘軍援粵公以寇由廣德竄出浙軍禦之嚴必走江西福建奏調張運蘭率所部赴福建任起復劉典募八千人防江西庚申遣蔡元吉葉炳忠會蘇軍攻嘉興蘇軍壁城東北浙軍壁城西南甲子湖杭寇合攻烏鎮劉樹元助守屯丁卯高連陞乘杭寇出援奪望江門三壘湖州寇益增兵援嘉興礙於烏鎮急攻屯軍自烏

鎮至雙橋連營數十里先是李世賢自甯國竄昌化爲淳遂

軍所遏復還溧陽是月李公鴻章克宜興溧陽

曾文正公集書札二十三

與公書云少荃中丞派戈登郭松林克宜興溧陽其議發於尊疏而舍弟金陵一軍深受裨益遂自甯國竄

走湖州二月辛巳蔡元吉回援烏鎮乙酉攻寇鎰頭元吉陷

陳入槍傷左手裹創力戰破其十壘戊子復破陡臺屯寇退

屯高橋其日蘇浙軍環攻嘉興次日轟陷城垣數十丈蘇軍

將程學啟先登被槍傷麾下乘城克嘉興高橋寇奔湖州初

海南反正杭州寇陳炳文以勢益蹙遣人詣李公鴻章約降

李公使至公所已而城寇殺內應已中變公密知其狀報許

之而急督蔣軍進攻壬辰水陸軍破杭城外四壘乙未凌晨

分兵攻五門別遣軍綴十里街屯寇城中外寇互出救應塵
戰至日晡會天大雨雨止復縱兵戰寇兵大破蔣益漚度寇
勢已困迺收兵還屯而緣城設伏以待至夜半城中人聲鼎
沸各軍急起乘之寇啟北門遁官軍爭門入殺傷者城中溝
壑爲滿丙申復杭州省城餘杭寇汪海洋是日亦空城出與
杭州寇合走瓶窑公自督親軍追之令羅大春簡桂林將兵
在前寇殊外戰大軍進薄之寇引入安溪屯復乘勝逼攻寇
不支分走德清武康捷書聞

詔加公太子少保銜賞穿黃馬褂將士各進官有差於是遣楊昌
濬督親軍攻武康蔣益漚攻德清蔡元吉攻石門公進駐省

城先時城中民口八十一萬復城存者才七八萬公設賑撫局收養難民招商開市禁軍士毋得入民居奏獨全省本年額賦餘資收茶筍廢鐵修濬河道設書局刊刻經籍庸問齋筆記云今各直省多設書局事肇於左爵相局則肇於甯波爵相立軍府於嚴州嚴當兵燹之後田疇荒蕪遺民無所得食爵相於賑撫外發銀萬兩購買茶筍俾百姓得采擷於深山窮谷以爲資製成札發甯波變價往返二次歸正款外得羨金數千兩迺以亂後書籍板片無存飭以此款刊刻六經嗣杭城收復復於杭城設局經理迺甯波工匠從事焉蘇州江西金陵湖南北相繼而起經史賴以不墜皆爵相之首創也一時人心翕然三月癸卯張聲

恆募勇士燒德清城外壘寇震懼武康守寇先約降羅大春引軍乘之甲辰復武康德清寇悉遁走乙巳收德清其日石門寇亦反正當此時蘇常甯廣寇以湖州爲逋藪寇酋黃文

金等悉聚處其中杭餘破陳炳文走德清汪海洋走武康李
世賢自湖州與合至是謀走孝豐劉明鑑李耀南要擊於荻
浦大敗之拔出民口數千名其時寇眾尙數萬人各圖分竄
支黨益渙亂高連陞乘之進兵湖州斃寇數千人燒其船千
餘於是李世賢繞由昌化掠績溪竄湖州走入江西汪海洋
陳炳文蒞徽自深渡犯淳遂王開琳軍拒之公增遣劉明珍
劉清亮軍出嚴衢寇還走屯溪黃文金楊輔清踞湖州營壘
跨菱湖茅山東林菁山以拒東南而西北自長興迤四安梅
溪至安吉連屯逾數十里公以湖州四面臨水必先破菱湖
始得迻軍而西以合圍於是檄高連陞王月亮蔡元吉由德

清進靈山規西南劉樹元何培章由石門進埭溪規東南先遣劉連陞羅啟勇率水師攻菱湖寇甲寅破其一營乙丑湖州寇數萬攻高連陞屯而以萬人由張邨鈔屯後高連陞覘寇陳後密知有伏戒軍中無輕進相持至暮寇復列炬進高連陞收眾入屯而密布火器壘旁自暗中擊之寇被創引卻迺空壁出逐寇相蹂藉外者無算其鈔張邨寇羅大春自武康擊之亦敗退王開琳會張福齋軍擊屯溪寇迭敗之是時常州亦復寇由廣甯掠徽婺趨江西前後不絕至屯溪者既爲王軍所挫遂取道白際嶺出開化屯將黃元吉張介和堅壁拒守黃少春魏喻義合軍赴之轉戰五日寇敗走華埠攻

守將戴奉聘屯不能下走江西玉山公所遣劉明珍各軍已至衢州迺會王德榜軍越境追寇而前竄江西寇已分踞南豐新城犯福建邊延邵告警會臺灣土寇平迺調林文察內渡而檄康國器一軍自蒲城入援是月奏減紹興浮糧四月壬申水陸軍攻菱湖寇壬午蔡元吉軍偪屯其東南甲申渡河破寇十壘遂進據荻港其日劉樹元何培章破寇長生橋高連陞會水師羅永泰破寇東林方議迻西屯妙喜鎮忽常州金壇寇大入先至兩營陷寇各還守屯甯廣寇復道績溪犯昌化張福齋周紹濂扼深渡擊之寇自婺源趨德興王德榜劉明珍合擊寇於廣信沙溪又敗之廣豐洋口寇走鉛山

於時江西寇大盛李世賢踞崇仁汪海洋踞東鄉自贛以東皆寇蹤

朝議尤以爲憂公奏言巨股竄入江西實爲腹心大患前當窘蹙之際或思由閩竄粵爲暫時紓外之謀及聚江西裹脅日眾必仍狡然思啟爲援救金陵之計是此時要在以全力注江西使賊不能復犯皖南以赴金陵則金陵久困孤城不攻自破福建水師提督楊岳斌膽智超羣秉性忠直爲眾情所翕服僅令專帶水師未足展其素蘊如蒙

皇上委以重寄令其督辦江西皖南軍務而以劉典爲其幫辦則江西之勢重諸軍之入江者亦有所統攝於大局不爲無補

上從之乙未王德榜迎擊德興寇弋陽悉殲其眾公增遣王開琳
助之是月籌修海塘五月己酉楊輔清大舉攻蔡元吉荻港
合水陸軍戰十餘日進拔袁家匯壘同時黃文金由太湖塘
楊濃犯劉樹元屯亦力戰卻之癸亥江蘇軍復長興寇走合
四安梅溪屯諸將聞長興破欲悉眾自東南進攻公以東南
已駐重兵將益速寇西趨迺飭劉璈等軍自黃湖攻孝豐楊
昌濬進銅嶺規安吉而馳書約蘇軍攻四安斷寇勢書牘是年與李
少荃書云賊軍攻安吉已駐銅嶺而前而湖寇屯梅溪甚眾
愚見先從梅溪下手擊其援賊則湖城安吉劃爲二斷乞飭
長興諸軍進攻四安以拊梅溪之背第當飭各軍出小市錢
杭以攻其前此關一破則雷軍安吉以拒廣德援軍餘東趨
偏圍湖州局王德榜王開琳合軍破寇鉛山湖坊劉典新軍
勢始緊也

至臨江期浙軍至貴溪會師六月壬申劉璈等抵孝豐寇不
意官軍猝至憑城相拒谷香山劉端冕冒礮石梯城寇眾驚
潰斬其酋陳榮癸酉拔孝豐畱守之蔡元吉深入進東埠丁
丑湖州寇圍其屯而遣悍黨繞思溪雙福橋斷餉道水陸軍
赴援輒爲寇船所鈔不能進寇復據袁家匯荻港至戊子蔣
益澧詣菱湖督戰飭李邦達攻思溪高連陞攻雙福橋別遣
張景渠會蘇軍攻晟舍自戊子至丙申頻進戰皆不利迺益
築壘相持是月甲申曾公國荃克復江甯乙未僞幼逆洪福
瑱自廣德入湖州公奏減甯波浮糧并以浙東水災入告會
匪起平陽捕誅之

書牘卷七是年與徐樹人書云平陽會匪幸破案尙早得免事端此等匪徒如醉如

癡亦不殺不止只可由地方官清查保甲分別良匪結實辦理不宜動輒用兵兵者不得已而用之易曰聖人以此毒天下而民從之明指之爲毒可知用之者必不得已也無論宵小蹤迹出沒無常發兵捕剿百不得一卽兵實可用帶兵之人實在能事可靠亦祇可用壯聲威以振良民之氣至於分別良匪首從搜尋根株則仍以用本地紳民爲主若以昏懦之官帶無紀律之卒前往查拏所往之處雞犬一空首要各犯早已聞風遠遁甚或妄拏良民要功冒賞而良民亦激爲匪禍且數年不息三省教匪之禍卽由查拏而起其前鑒也 七月庚子蔣軍於思溪結浮

橋通蔡軍至中流爲寇所乘傷亡數百人公飭之曰思溪雙福橋旣難進攻當改圖荻港袁家匯以出長超山則賊必返顧蔡丞一軍遂乘之以出也丙午高連陞改攻荻港破三屯其夜寇水軍將歸誠師船適由太湖鈔袁家匯高連陞各軍繼之寇果悉眾趨救辛亥蔡元吉遣楊應龍五百人先突圍

軍應龍力戰外各軍益急攻袁家匯其夜蔡元吉率眾涉水
出喪其軍四之三元吉被圍三十日糧盡煮桑皮爲食餓外
相繼無逃叛者公念其外守爲奏請免罪焉其日張景渠會
蘇軍破晟舍寇初以全力圍東埠軍而蔡元吉突出晟舍又
破氣大沮甲寅思溪雙福橋寇悉遁於是城寇降者相繼
甲子劉樹元拔昇山屯高連陞急攻袁家匯忽湖城火起寇
狂奔迫追之城寇已潰疾引軍繞城西截擊斃寇二千餘人
水軍四面入悉燒寇船乙丑克湖州寇竄至會守將劉端冕等
楊昌濬收安吉追寇孝豐適湖州寇竄至會守將劉端冕等
追擊寇併走甯國與廣德寇合蔣益澧督各軍徇四安梅溪

殲寇逾萬解散者數萬人公飭黃少春劉明珍衛嚴各軍益
倣邊備調王德榜王開琳東還扼婺源八月辛未劉端冕自
甯國追寇斃黃文金寇走昌化分黨走淳安餘悉西趨績溪
公先遣羅大春由臨安於潛扼昌化至則屯將劉光明已與
寇合戰遂引軍夾擊寇敗走昱嶺關其竄淳安者至蜀口與
黃少春劉明珍各軍遇遮擊大破之斬寇目黃文英以下百
餘人壬午復敗之黃金嶺追逐五十餘里斃寇凡六千人拔
出民口萬餘寇奔徽州歙縣境內戍各軍復出建口要之降
其眾三萬收洋槍七千桿寇遂散走遂安開化所至官軍輒
擊之不復能喙息軼出者徧江山常山走江西廣豐浙江全

境悉定壬辰王開琳軍自玉山遮洪福瑣幾擒之丙申黃少春會王德榜軍追擊於鉛山王開琳軍追擊於上饒皆有斬獲餘寇分竄貴溪新城圖合瑞金寇劉典軍已扼貴溪各軍迺還鮑超軍旋大破寇許灣追至東鄉陳炳文降餘寇悉聚瑞金楊公岳斌之陝甘總督任張運蘭軍自粵西會鮑軍攻瑞金寇敗走廣東公設清賦局於省城是月核減杭州嘉興湖州三府浮糧九月寇由大埔折入汀州張運蘭率輕卒出武平要寇寇擁之入永定遇害寇遂連陷龍巖南靖漳州寇首李世賢汪海洋等悉入閩閩中大震於是公調林文察軍扼泉州康國器軍援漳州而檄黃少春將四千五百人自衛

州趣延平劉典新軍八千人自建昌趣汀州高連陞將三千
五百人自甯波汎海至福州期取遠勢蹙寇一隅殲之是月
江西軍將席寶田婁瀘溪寇至石城獲洪福瑱磔之南昌論
公前後功

詔封一等伯爵公再上疏固辭

上不許尋

錫名曰恪靖於時洋軍已遵約遣撤公引洋將德克碑日意格考

求西國機器製造仿造小輪船試行於西湖

詳見下卷

十月奏杭

嘉紹松四所商鹽改行票運先是杭州織造經費取之南北
新關稅公議停關口徵收織造恆延以爲舊制公迺上言兵

焚彫敝若更闢釐併舉竭澤而漁遺子之民必益形窮蹙請
暫緩開闢於釐捐歲輸銀十萬兩供織造福建寇事日急公
奏以蔣益澧護浙江巡撫楊昌濬署布政使而身之總督任
上奏曰浙江初復百度更新臣與僚屬竭力經營於除匪安
良剔除痼弊修復水利諸大端未究厥施實爲心疚如杭湖
槍匪久爲奸盜之源經蔣益澧拏辦劇匪百餘名編成船埠
稽查保甲浙境漸已斂戢聞逃入上海者尙多台州負山面
海風氣悍戾土豪動輒結黨相攻玩視官長臣檄委劉璈署
台州知府谷香山署台州協副將各帶所部赴任冀以懲除
豪惡然非旦夕可期之效至杭甯紹溫濱海之區海盜出沒

水師直同虛設船礮俱無籌措無從不得不緩期以待此治
匪之事尙須經理者也杭嘉湖錢糧之重實浙中數百年民
瘼攸關雖已籌核減然非守令實心難期盡善而垂久遠至
南北新關之害關係杭郡一方民瘼甫議劃釐抵稅未卜能
否邀

恩其金衢嚴台四郡徵收錢糧尙未及籌辦此剔弊之事尙須經
理者也浙江全轄土田近山者瘠近水者腴民田賦重更賴
蠶桑爲生理蠶桑之利惟浙西最饒民之治桑其栽培灌溉
與治水田無異故自古治浙有聲者莫不以水利爲重也海
塘關係吳越兩省農田寇亂以來石工坍塌欲及時修復估

計非百餘萬兩不可臣前奏先辦土塘暫禦鹹潮亦需銀二十萬兩其工由紳捐辦而亂後人稀料賤工貴一時尙難迅期蒧事至杭州西湖爲仁和海甯水利所關餘杭南湖爲仁錢水利所關省城中河爲民商炊汲舟楫之利今雖中河修濬完工南湖草草畢事而西湖則淤墊已高葑長水枯未遑議濬此修復之事尙須經理者也臣已交卸撫篆料理起程而念此邦疾苦情形殊耿耿護撫臣蔣益澧與臣共事已久於整軍治民各事極意講求署布政使楊昌濬與臣相處多年信心有素必能補臣缺漏仰答

恩知惟是爲治之道興利不如除弊任法不如任人兩臣數歷未

久於部中一切文法則例均未深悉若遽以此相繩正恐力有未逮是則區區之愚不敢不盡者耳乙未自杭州啟行道

金華衢州以亂後民復被災輒停輿省問之

書牘卷七是年與楊石泉書云

初入日行自衢州經過建德蘭溪龍游西安各縣殘黎喘息僅屬殊為惻然街市尚有起色鄉里則雞犬寂然菜色如故田土多半荒蕪又今歲水旱已種之田因人力不足大有所損百姓多環顧乞賑蠲西安龍游則訴莊書之累已諭守令極力禁革大抵前查栽種分數尚不確實又未嘗遍貼曉單恐書吏朦混之弊在所不免至莊書另索甲費係向來弊政非如溫紹大加釐革不能剔除各縣本係衝途近日貢差與試差花銷太多弟帶兵過境雖嚴禁供億然地方官苦況何能盡達耶流輦既斷宜永禁州縣無可活動非於錢糧一件速為酌定章程俾經出經入之數相準則吏事難期起色乞與蘇泉

十一月癸丑至浦城當是時李世賢據漳州分黨踞

龍巖永定南靖雲霄平和汪海洋掠長汀連城上杭列縣境

而自踞南陽鄉眾合二十餘萬林文察規漳州屯萬松關爲
寇所襲外之士寇坵亂益眾泉廈震動於時各軍先後至迺
檄高連陞趣同安以保泉廈黃少春趣長泰以規漳州劉典
進連城王德榜已補福建按察使調其軍繼劉軍後合攻龍
巖公自督親軍進延平策應已而寇圍康國器軍漳平劉典
自連城東援新軍輕進寇鈔破其屯退保連城十二月王德
榜王開琳兩軍至迺會劉軍將黃有功張福齋等自連城進
師高連陞黃少春兩軍逼漳州與相持 作馬徵君遺集敘
同治四年乙丑公五十四歲

正月李世賢分黨陷漳浦召汪海洋合龍巖寇犯長泰安溪

鈔官軍後王德榜掘汪海洋廟前不得進康國器迭敗龍巖
寇辛酉寇棄城走漳平公遣劉明珍出平福里掘之汪海洋
復思由新泉入漳州合李世賢甲子王德榜會劉典軍破之
馬洋洞斃寇六千人丙寅李世賢破丹州屯軍趨鎮門高連
陞疾出遏其歸路大破之傷寇精銳過半李世賢遁回漳州
念兵勢日蹙通書廈門英國領事圖雇輪船以入海公捕
獲誅之以其事上聞而遣福州稅務司美里登等陰啗英人
利以間之書牘卷七是年上總理各國事務衙門書云柏威
林一節不敢不直陳其事爲共見共聞咎不在我
尊處據此照會當無異詞惟庫機間不容髮仍須將計就計
暗與霧縻已委曾道赴廈門與爾領事休稅司籌商啖以重
賞冀李逆聞知亦必心存疑慮藉離其交汪逆兇鋒已衰如
將此股剿除則李逆易圖而神族亦沒趣至中國自疆之策

除修明政事精練兵勇外必應倣造輪船以奪彼族之所恃此項人斷不可不羅致此項錢斷不可不打算轉瞬換約須預爲綢繆也英法領事迺更爲公用數搜獲洋匪所濟賊軍械李世賢計不得逞先是公以福建貧瘠於浙江月籌援閩軍餉十四萬旣入閩見政治尤敝奏曰閩省吏治軍政因循粉飾已久臣詳加訪察覺其習氣之深竟與各省十年前景象無異籌兵無一卒之恃籌餉無一月之儲問守令則櫟幹者難得數人察局員則練達者未能指數而民俗則悍戾性成所在匪盜蠭聚推原致弊之故各省捐例同開流弊尙有限制閩自鐵錢鈔票難行迺圖藉此收捐爲繞算通融之計捐生買票上兌明符例價暗得便宜入仕之始卽懷苟利之心取

息稍豐又爲捐升之本而且委署必計年限更換多因調濟其作官儼若經商其視官一如傳舍此吏道之所以雜也制兵之餉本薄閩之減給又已三年雖曰事平補給實則一飽無時如是而責其荷戈用命其誰甘之其黠者且納資遞捐至千把都游以索陋規買弁缺此軍政之所以壞也閩省山鄉狹瘠本地穀米不足供本地之食謀生旣艱復游惰不勤工作又近年鴉片流毒吸食者十人而五其流爲盜賊勢所必然自吏治不修官司不知教養爲何事治本之策已亡官司不知政刑爲何事治標之策復失民無恥爲盜賊之心復無懼爲盜賊之心盜賊盛而制兵不足以制之勢不能不增

募勇丁勇丁散則復爲盜賊何怪巨寇一入從亂如歸乎臣
但憂閩省無賢能之官冀尙有安靜之吏但慮無樣勇之將
冀尙有可戰之兵迺入閩以來所見所聞竟有出意想之外
者中夜以興罔知攸措維經武之道豐財居一理人之術得
才爲先閩省吏治軍政之壞實均因貧困而起則治閩之要
首在理財理財之要在於修明政事孟子所謂無政事則財
用不足者此也今欲修明政事必先求治事之才臣請就所
知者先調數人入閩以資贊助新授浙江督糧道周開錫記
名道吳大廷福建補用道胡光鏞刑部員外郎張樹葵四員
近在浙江伏乞

勅下浙江撫臣催飭來閩以資差委又臣疊次保奏畱浙文員可調赴閩者可否由臣酌調勿拘成例俾臣得及時整理藉支

危局

上允之二月戊辰汪海洋棄南陽鄉走上杭楊芳桂戴奉聘等軍追之寇聚保上杭白沙癸酉王德楫會劉典軍合擊之郭慶雲陷陳入寇大奔敗殺數千人王開琳軍至復遮破之茶樹下寇分走永定王開琳一軍趣守之李世賢既爲高連陞所敗遁於漳州東關迤北增壘益遣眾南窺石碼嗾漳平寇由北路犯長泰別寇自平和陷詔安而汪海洋亦旋竄龍巖漳平公檄劉典軍分扼龍漳高連陞黃少春進徧漳州東北而

遣劉清亮會王德榜屯和溪華峰爲援應三月漳州寇疊出
撲官軍屯高連陞黃少春再擊破之已合南靖寇來攻辛亥
各軍逾赤嶺迎擊大破之殺四千人傷者以萬計同時劉軍
敗汪海洋于龍漳界奎洋已又會康國器張恆祥破其屯王
開琳亦屢敗寇永定公度寇竄江西之路已窮官軍自東北
合勢寇急必復走廣東而漳浦詔安失尤慮其遁入海檄水
師分掘銅山硤口而遙書廣東防大埔饒平是月江蘇軍郭
松林楊鼎勳將八千人汎海至令分道進海澄漳浦以攻漳
南而遣劉明鏡赴漳北與王劉軍併力圖南靖四月己卯公
至福州甲申王德榜劉清亮攻烏門寇屯未下高連陞以烏

門寇與城東北樓內寨相犄角欲復漳城必先破樓內寨欲破樓內必先破烏門寇乙酉大會蘇浙軍攻烏門而分所部綴樓內寇旣環進烏門寇堅壁相拒守備何世載首破一屯各軍竝進悉平其壘斃寇至萬人會大風雨樓內寇亦不支高連陞冒雨轉戰而前黃少春出北尾橋助勢軍士順風縱火寇突走出城高連陞督軍乘之入李世賢率黨外拒巷戰逾時迺悉眾自西門竄南靖復漳州先數日劉典軍會康國器迭敗寇奎洋苦竹汪海洋走大埔丙戌王德榜劉清亮復南靖寇合漳州寇走平和躡迨至羊城殺寇五千人己丑浙軍及寇五鳳山復大敗之寇保楚碛各屯辛卯乘勝進攻寇

殊外戰高連陞繞其後擊之寇陳動悉縱精兵前寇大奔潰
李世賢斬退者數人不能止至平和寇急繞城而走城寇恟
懼亦出奔各軍捕斬數千人餘寇趨大埔同日蘇軍將郭松
林復漳浦其夜雲霄寇聞之潰王辰水軍將吳鴻源收雲霄
癸巳公進興化其日高連陞遮雲霄逸寇于平和大破之斬
寇酋黃隆芸以下數十名降其眾數千王德榜一軍追寇至
大埔境寇降者尤眾是月劾鹽法道潘駿章庸闇罷之五月
乙未蘇軍復詔安寇目丁太洋走平和王德榜自大埔還軍
敗之白土寇轉趨坎市犯劉典屯縱兵掘之丁太洋降先是
王開琳守永定江西遣新湘九營益其軍而饋餉不繼頃之

汪海洋自大埔還竄攻丁長勝獵射坵屯丁長勝忍飢戰兩

晝夜力竭外之

書牘卷八是年與劉觀莊書云添勇而不善餉徒足爲累獵射坵之役老湘受其累失吾

良將丁長勝至今猶有遺恨

寇遂攻永定城康國器馳至解其圍同時李

世賢亦相繼竄至張福齋蕭雅泗各軍蹙之獵射坵大破之

降者萬人李世賢被傷遁其眾遂破散已別寇何春貴亦率

眾二萬詣王開琳降汪海洋走上杭中都庚子公自泉州進

屯漳州趣各軍躡追已西高連陞黃少春兩軍追汪海洋至

姑灘敗之寇自武平竄廣東鎮平福建悉定於是公檄康國

器關鎮邦率五千人入廣東追寇王開琳一軍赴贛防江西

議遣劉典軍自汀州趨南安防寇竄湖南

奏稿十五覆陳廣東軍務情形摺云

臣之遭康國器關鎖邦兩軍入粵而分部各軍擬助江西保
湖南邊隘者蓋謂制流寇之要在審其必出之途俟其竄動
而要擊之庶可省兵力而策全效若待賊蹤他而畱黃少春
向形勢畢露而後圖之節節尾追殊不得勢耳

高連陞各軍武平規寇所向趨之奏遣江蘇軍還剿擒寇益

整飭吏治書牘是年與周受三書云吏治之振新全在上司精神貴注除貪鄙吸煙及全無知覺運動之人斷不宜用外餘皆隨材器使亦可漸收轉迻之效大抵中人之資可與爲善可與爲惡吾之好惡一端斯吏之趨向定矣長沙一猾吏曾語人云吾輩所工者揣摩風氣耳使上司所尚者果是廉幹一路吾亦何樂而貪庸乎此言雖諧卻亦近理今日道府以至督撫均言察吏不知察吏之外尚有訓吏恤吏兩端訓之使不至爲惡恤之使可以爲善斯其成就者多而轉迻自速也由前言之表端則影自正修身以上之事也由後言之以人治人改而止忠恕之道齊家以下之事也中官吏龐雜習氣頽靡吾惟去其太甚者舉其賢者能者不必問其從來咎其已往某某當權時鑽營之人概置不問可也又與徐樹人中丞書云閩中以治匪爲要治匪必先察吏察吏必先懲貪貪吏如某某等請挈弟銜効辦此外尚有

應參者容再奉聞知公仁心厚德必有大不忍者然定釐稅
一家哭何如一哭路哭昔賢已言之願公斷在不疑也
規約書牘是年與徐樹人中丞書云釐稅兩起兩驗原爲防
之法而行之者也江蘇所以致人言者正以節節抽取無兩
起兩驗之限制耳若謂閩灘高水急非其比此卻不然浙之
衢嚴江西之贛南一帶獨非灘高水急乎至湘之辰沅鄂之
宜施則尤著名險惡未聞併兩起兩驗而一之且設卡必依
市鎮便於商船停泊之處斷無灘高立卡迫人於險之理船
貨之經兩起兩驗者總在數百里千里之遙僅設起驗四處
停待盤查似無所謂不便凡爲此說者不過欲掩其偷漏之
迹仍復舊章夫使舊章而可仍則釐務之興亦豈前此所有
哉欲辦賊不能不用兵用兵必先籌餉浙之餉閩也月十四
萬從不愆期新造之區地丁錢糧捐輸無從籌辦其所悉索
以供者釐稅耳彼不以兩起兩驗爲辭而閩迺緣此爲說人
欲人桀而我猶也即弟一身言之不忍於閩而忍於浙浙人
其謂我何大抵釐稅本權宜苟且之政非可得已而不已者
誰責甘聚斂之名以其身爲怨府者吾輩以閩財辦閩事多
則區區者將一舉而捐之奚但兩起兩驗云乎哉
令周開

錫總之

書順卷七是年與蔣薌泉書云周受三力肩籌餉之事才識卓然深得其力惟羣不逞知不可撓則爲飛

語以相識亦勢所必至耳

以餉絀停補額兵分軍平興泉永漳土匪設六

禁諭民

書順卷七是年與馬穀山書云與泉永漳各屬土匪之多爲天下最見分起剿辦暫治其標蓋自道光十

九年來島人不靖頑民多懷異志而咸豐三年以來粵寇橫行軍威不振又吏事貪濁有以激之遂至戕官拒捕扭爲故常頃略爲施治民氣漸有斂抑之意冀此邦三年後得復鄒魯之舊武健之名不敢辭矣

汪海洋自鎮平

擾平遠高連陞各軍出武平扼之閏月寇趨嘉應州攻粵軍

石峰白渡屯破之康國器軍出龍身寇走還鎮平會霆營叛

卒自興甯與合勢復盛六月己亥遂大舉入犯武平期取道

汀州入江西庚子高連陞黃少春分道出拒戰至日昃左路

軍將湯復春中礮外軍少卻黃少春麾軍陷陳高連陞軍斬

寇將伍金保寇始奪氣辛丑仍引還鎮平公度鎮平處萬山
中寇不能久據必圖復竄江西而閩軍逾嶺入粵則勢居寇
後思誘其逕閩邊擊之迺飭康國器關鎮邦軍攻其東南高
連陞黃少春劉清亮各軍嚴扼武平邊境邀其北劉典王德
榜兩軍分屯上杭武平而迭檄粵東軍扼鎮平西南夾擊是
月劾罷福建布政使張銓慶督糧道周揆源吳大廷爲鹽法
道公以福建鹽法積困奏免前欠課銀八十萬兩議試行票
運已而部中設四可慮詰難公上疏力爭按疏有云部議務
把握再議試辦果如部臣所言則當徑奏改票不必以試行
爲請今謂試行亦須俟部議而行則凡外吏遇有試行事件
均必先咨部臣定議而後入告亦似與定例不符通從前
積欠至四百萬兩不聞部臣參辦責貽茲力排羣議奏請試

行而部臣轉持苛論事關國計臣安敢緘默不言總之任
法不知任人人存而政斯舉與利不如除弊弊盡而利自生
鹽務爲腥羶之場爲奸弊之藪見效最難致誘則易苟無潔
已奉公獨立不懼之員卽改行票運臣亦安能保其必無流
弊惟據見在而論臣雖不肖斷不敢計及身家利害重負公
君父鹽道吳大廷尙知自愛正當感激激圖報之時斷無背公
營私之理試行期內雖部臣責臣與撫臣鹽道以參賠并稱
如該督等不候、命下已竟撤商行票將來課額虧短全賴
湊散臣部惟有從嚴參辦責成分賠以肅功令臣與吳大廷
無所愧亦無所怯也若後此鹽政不得其人則此時試行之
章安知非從前相沿之弊是則非微臣所敢任而亦部臣所
能議者可否 較下部臣將聞鹽試改票運應止應行速議
具奏俾臣得免意外吹求不勝感悚之至

特旨允行之七月鎮平寇攻康國器屯設伏大敗之其時李世賢

自潮州隻身入鎮平爲汪海洋所戕寇黨益精貳汪海洋亦
慮出險則其眾瓦解迺分黨入龍川陷長樂粵東軍還救而

日趨福建進軍攻鎮平高連陞黃少春越嶺屯分水坳是月
奏以周開錫權布政使八月甲午寇攻分水坳屯官軍堅拒
之斃寇三千人遂逼城而壘康國器復破石古屯寇勢益蹙
庚子迺空城西走平遠黃少春高連陞會康軍分道追擊降
四千餘人斃寇逾萬江西軍將席寶田扼東石破之寇改趨
興甯於是公畱王德榜一軍福建悉遣各軍分出奏曰汪逆
詭謀竄越江西別覺生路閩軍扼之武平不能北竄迺改由
鎮平西南犯平遠適江軍席寶田截之東石閩軍復自後急
蹙之頃據各路稟報賊蹤已竄至長甯江軍席寶田婁雲慶
已由平遠折回王開琳周寬世分扼長甯望鄉堡各處賊如

由此路竄江西江軍截其前閩軍躡其後自可收夾擊之效
惟由江粵邊境翻山西竄江軍猶可橫出迎頭截之閩軍則
入粵以來處處俱成尾追之勢譬猶捕鹿有其犄之無與角
之終必絕塵而奔也臣慮高連陞所部兵力尙單已飭署衢
州鎮總兵劉清亮所部三千名與高連陞同作一路并康國
器關鎮邦所部五千餘名統歸高連陞節制覘賊所向由粵
東躡蹤前進爲追剿之師劉典所部照前議由江西會昌安
遠趨南安并飭黃少春一軍由平遠信豐繼之冀助江西之
防而扼湖南之隘爲攔頭之師計兩路出師及先駐江境王
開琳一軍已近三萬人福建得勝之師除王德榜一軍回駐

閩境外餘悉資遣以行矣當是時粵東軍已復長樂畱屯未
進而高連陞軍自鎮平而前居寇後窮追六晝夜至興甯黃
陂墟爲土匪所紿陷伏中傷亡數百人關鎮邦外之力戰迺
突出輜重盡失寇遂北趨江西長甯先是鮑超復起領軍會
剿

命公節制其軍公以相距遠奏辭旋三省軍進止不一復

詔公節制三省各軍入粵督師公奏言近時粵境無賊臣所部各
軍均已入粵入江其駐漳州者僅親兵八百人去賊已千數
百里兵機最忌遙制應懇

收回節制三省成命俾各將領得免觀望

上不許九月王開琳敗寇長甯寇旁竄龍南定南迭爲江軍所敗

復南趨廣東連平劉典軍已由南康扼廣東南雄黃少春軍

由贛州扼信豐寇見去路窮遁增壘連平上下坪謀乘隙他

竄公方議自永定入粵

書牘卷八是年與高果臣書云賊陷連平之上下坪堅築營壘自固意以

官軍四集欲確探何路稍薄卽由何路竄出惟各軍心力難齊疆弱異致頗爲可慮弟仍遵 敕赴江西居中調度而見

在城已入粵自無庸入江卽日當啟節由永定直趨嘉應以向和連到嘉應後再當奉聞也

十月甲戌寇

遽由連平踰山掠興甯和平境晝夜狂趨甲申突陷嘉應其

時高連陞已授廣東提督廣東檄其軍防寇內犯由河源進

長甯與寇不相及

書牘是年與周受三書云高果臣以粵省杏調嚴扼內竄由惠屬龍門增城以出長

甯比到則賊已由連平竄走矣

公以寇旣逼近汀漳必先固閩防然後進兵

而嘉應距永定和平皆僅百數十里迺飛檄黃少春劉典兩軍還閩分由武平上杭進遣賴長率千人守永定而自率親軍出扼平和琯溪召王德榜自汀州會師十一月高連陞劉清亮自長甯回援進嘉應東北葵嶺康國器自鎮平進州城北烏泥坪粵軍將方耀鄭紹忠屯其西乙酉高連陞進營樟樹坪寇出撲大敗之迺西犯粵軍白宮市屯陷其兩營公急檄朱明亮由大埔扼三河壩防寇竄潮州黃少春聞公輕軍屯平和星夜自信豐馳至戊子合軍進大埔劉典各軍先後竝集十二月癸巳遣吳觀禮馳視戰地規一舉殄滅不復令散走丙申劉典軍自松口進屯嘉應東南丙村迺議王德榜

軍進塔子坳，掘其東，與劉軍連綴。黃少春軍進金谷坑，接高連陞康國器兩軍居東北，而待鮑軍至。會粵軍要其西北，辛丑，汪海洋見我師漸逼，設伏四山。鈔官軍後而乘塔子坳，壘未成，以銳師來攻。王德榜先陳兵要隘，寇不能逼。劉典聞寇出，則分軍疾進，猝遇寇，搏戰至日昃。黃少春、王德榜營壘成，各率隊橫出，寇左右大敗。汪海洋猶擁眾外鬪，簡桂林下馬衝其中堅，士卒皆以一當百。寇稍卻，各軍乘勢縱擊，寇屍委屬蔽塞川原。其分鈔各軍後者，高連陞悉搜擊破之。入夜，寇出降者相繼。言汪海洋已中槍，外軍中勇氣益倍。戊申，鮑軍至庚戌，江軍席寶田至。分屯州城西北。壬子，公進屯州城東。

井城入夜城寇望四面官軍火如龍蛇克懼謀越黃沙嶂竄走劉明鐙遣降寇入城密偵知之先與簡桂林賴長率軍馳往癸丑寇果啟西南門潛遁黃沙嶂險峭寇眾尙數萬猝不得前各軍聞警竝赴寇取道狂奔輒爲官軍所斬刈斃寇凡一萬六千人拔出良民萬餘寇將胡永祥先擁眾趨北溪高軍將丁賢發出良山生擒之甲寅餘寇悉聚北溪官軍四山橫出呼曰棄械者免外羣寇羅跪求免者六萬餘人委棄器械山積遂悉收降其眾陳斬寇目七百三十有四人洪寇黨至是悉平

上嘉公功

詔賞戴雙眼花翎各軍凱還

仁和吳氏觀禮圭重詩錄嘉應班師

來七載徂征五行省東南澄鏡無纖埃嘉應湖州作戰場殘寇林滅歸堵康大憇先摧李鐵槍以次削平黃與汪允哉未劫在錢塘父老歡迎竊相語元戎勳業照今古嗚呼父老今快覩豈知出山雲早爲天下雨自注嘉湖作戰場未劫在錢塘皆志緯家言嘉應州有錢塘墟

是年長子孝威以三品廕生試優等

特賞主事

左文襄公年譜卷四

同治五年丙寅公五十五歲

正月公資遣降眾訖甲申自潮州取道詔安還閩劉典乞假

歸檄張福齊簡桂林領其軍

按是年奏請更名張福齊片

二月

丙戌公至省城崇安齋匪起陷縣城調粵旋各軍赴剿未集

辛亥陷建陽王子張樹葵自延平馳至賊走還崇安丁巳黃

少春軍至復其城會張樹葵進破之嵐角三月壬戌追至江

西鉛山境悉平之張樹葵還屯崇安於是奏遣高連陞廣東

黃少春浙江各以本軍之提督任益按治各郡土匪檄王德

榜羅大春軍屯泉州虞紹南簡桂林軍屯興化張福齊軍屯

汀州楊和貴軍屯漳州康國器軍屯延平分起捕獲數月迺
定書賸卷八是年覆楊石泉書云此間窮治奸宄斬殺不下
數百人從前漏誅首惡一一就法法令漸張良懦迺有蘇
息之望惟廉明守吏極不易是時初離兵燹所在彫耗迺於
得其孰與莫麗而訓教之乎會城開蠶棉館諭州縣增積貯備荒又以閩中理學之邦思
有以延其緒設正誼堂書局諭曰敬教勸學衛國於以中興
察孝舉廉漢治所以近古曩者張清恪之撫閩也與漳浦蔡
文勤講明正學閩學大興清恪彙刻儒先遺書五十五種埽
異學之氛霽入宋儒之堂奧所藏板片蝨蛙無存爰於省會
設正誼堂書局開雕書成散之府縣書院俾吾閩人士得日
對儒先商量舊學以求清恪文勤遺緒其有志問學之士願

司分校者赴署面試月致膏火本爵部堂判事之暇亦將來局共相討論儻不以時過不學而棄之乎先是

朝議購雇輪船以捕洋盜公以購雇不如自造上疏曰竊維東南大利在水而不在陸自廣東福建而浙江江南山東直隸盛京以迄東北大海環其三面江河而外萬水朝宗無事之時以籌轉漕則千里猶在戶庭以籌懋遷則百貨萃諸廛肆匪獨魚鹽蒲蛤足業貧民舵艚水手足安游眾也有事之時以籌調發則百粵之旅可集三韓以籌轉輸則七省之儲可通一水匪特巡洋有必設之防用兵有必爭之道也況

國家建都於燕津沽實爲重鎮自海上用兵以來泰西各國火

輪兵船直達天津。藩籬竟成虛設。洋船準載北貨。行銷各口。北地貨價騰貴。江浙大商以海船爲業者。往北置貨。價本愈增。比及回南。費重行遲。不能減價以敵洋商。日久銷耗愈甚。寢至失其舊業。濱海之民。商居什之六七。坐此闐闐蕭條。稅釐減色。富商變爲窶人。游手驅爲人役。并恐海船攔朽。江浙海運卽有無船之慮。而漕政益難措手。是非設局急造輪船。不爲功。從前中外臣工。屢議雇買代造。而未敢輕議設局製造者。一則船廠擇地之難也。一則輪船機器購覓之難也。一則外國師匠要約之難也。一則籌集鉅款之難也。一則中國不習管駕。船成仍須雇用洋人之難也。一則輪船旣成。煤炭

薪工需費不貲。又時須修造之難也。一則非常之舉。謫議易與。舩議者一人。任事者一人。旁觀者一人。事敗垂成。公私均害之難也。有此數難。毋怪執咎無人。不敢一抒籌策。以徇公家之急。臣愚以爲欲防海之害而收其利。非整理水師不可。欲整理水師。非設局監造輪船不可。泰西巧而中國不必安於拙也。泰西有而中國不能傲以無也。雖善作者不必其善成。善因者究易於善舩。如慮船廠擇地之難。則福建海口羅星塔一帶。開槽濬渠。水清土實。爲粵浙江蘇所無。臣在浙時。聞洋人之論如此。昨回福州。參以眾論。亦復相同。是船廠固有其地也。如慮機器購覓之難。則先購機器一具。鉅細畢備。

僱雇西洋師匠俱來。以機器製造機器。積微成鉅。成一船輪。機卽成一船。成一船卽練一船之兵。化一爲百。比及五年。成船稍多。可以布置沿海各省。由此更添機器。觸類旁通。凡製造槍礮炸彈鑄錢治水。有適民生日用者。均可次第爲之。惟事屬艱始。機器良楮難辨。仍須託洋人購覓。寬給其值。但求其良。則亦非不可必得也。如慮師匠要約之難。則先立條約。定其薪水。到廠後挑選內地匠作。隨同學習。性慧有巧思者。無論官紳士庶。一體入局。講習拙者。情者。隨時更補。西洋師匠盡心教誨者。薪水全給。如靳不傳授者。罰扣薪水。似亦易有把握。如慮籌集鉅款之難。就閭而論。海關結款旣完。此款

應可劃項支應不足則提取釐稅應之。又臣曾函商浙江撫臣馬新貽新授廣東撫臣蔣益澧均願湊集巨款以觀其成。計造船廠購機器募師匠須費三十餘萬兩。開工集料支給中外匠作薪水月約需五六萬兩。以一年計之需費六十餘萬兩。初始兩年成船少而費極多。迨三四年則工以熟而速成船多而費亦漸減。通計五年所費不過三百餘萬兩。五年之中

國家損此數百萬之入合雖見多分亦見少似尙未爲難也。如慮船成而後中國無人堪作船主看盤管車均須雇請洋人則定議卽與訂明教習造船卽兼教習駕駛船成令隨同出

洋。周歷各海口。無論兵弁各色人等。有講習精通。能爲船主者。卽給予武職。由虛銜游實職。俾領水師。則材技之士。爭起赴之。將來講習益精。水師人材。固不可勝用矣。如慮煤炭薪工。按月支給。所費不貲。及修造之費。爲難。則以新造輪船運漕。而以雇沙船之價給之。漕務畢。則聽受商雇。薄取其值。以爲修造之費。海疆有警。專聽調遣。大凡水師。宜常川操練。俾服習風濤。深其閱歷。然後可恃爲常勝之軍。海口各國兵船。每月操演兩次。如臨大敵。遇有盜艇。卽踊躍攔擊。以試其能。所以防其惡。勞好逸者如此。且船械機器。廢擱不用。則朽鈍堪虞。時加淬厲。則晶瑩益出。故船成不妨裝載商貨。藉以捕

盜而護商。兼可習勞而集費。似歲修經費無俟別籌也。至非常之舉。謗議易興。始則憂其無成。繼則議其多費。或更譏其失體。皆意中必有之事。然臣愚竊有說焉。防海必用海船。海船不敵輪船之靈捷。西洋各國與俄羅斯。咪利堅。數十年講求輪船之制。互相師法。製作日精。東洋日本始購輪船。拆視仿造。未成。近迺遣人赴英吉利學其文字。究其象數。爲仿造張本。不數年後。東洋輪船亦必有成。獨中國因軍務繁興。未暇議及。彼此同以大海爲利。彼有所挾。我獨無之。譬猶渡河。人操舟而我結筏。譬猶使馬。人跨駿而我騎驢。可乎。鈞是人也。聰明睿知。相近者性。而所習不能無殊。中國之睿知運於

虛外國之聰明寄於實。中國以理義爲本。藝事爲末。外國以
藝事爲重。義理爲輕。彼此各是其是。兩不相喻。姑置弗論可
耳。謂執藝事者必舍其精講義理者必遺其粗。不可也。謂我
之長不如外國。藉外國導其先可也。謂我之長不如外國。讓
外國擅其能。不可也。此事理之較著者也。如擬創造輪船。卽
預慮難成而自阻。然則治河者。慮合龍之無期。卽罷畚築。治
軍者。慮蔽役之無日。卽罷徵調。可乎。如慮糜費之多。則自道
光十九年以來。所費已難數計。昔因無輪船。致所費不可得
而節矣。今仿造輪船。正以預節異日之費。而尙容靳乎。天下
事始有所損者。終必有所益。輪船成。則漕政興。軍政舉。商民

之困紆。海關之稅旺一時之費。數世之利也。縱令所製不及各國之工。究之慰情勝無。倉卒較有所恃。且由鈍而巧。由粗而精。尙可期諸異日。孰如羨魚而無網也。計閩浙粵東三省通力合作。五年之久。費數百萬。尙非力所難能。疆臣誼在體國。奉公何敢惜小費而忘至計。至以中國仿製輪船。或疑失體。則尤不然。無論禮失而求諸野。自古已然。卽以槍礮言之。中國古無範金爲礮。施放藥彈之製。所謂礮者。以車發石而已。至明中葉始有佛郎機之名。

國初始有紅衣大將軍之名。當時得其國之器。被以其國之名。佛郎機者。卽法蘭西音之轉。紅衣者。卽紅夷音之轉。蓋指紅

毛也。近時洋槍開花礮之製。中國亦皆能之。礮可仿製。船獨不可仿製乎。安在其爲失體也。臣自道光十九年海上事起。凡唐宋以來史傳別錄說部及

國朝志乘載記官私各書。有關海國故事者。每涉獵及之。粗悉梗概。大約火輪兵船之製。不過近數十年事。於前無徵也。前在杭州曾覓匠仿造小輪船。形模粗具。試之西湖。駛行不速。以示洋將德克碑。稅務司日意格。據云大致不差。惟輪機須從西洋購覓。迺臻捷便。因出法國製船圖冊相示。并請代爲監造。適髮逆陷漳州。臣入閩督剿。未暇及也。嗣德克碑歸國。繪具船廠圖冊。并將購覓輪機。招延洋匠事宜。逐款開載。寄

由日意格送漳州行營往返講論漸得要領臣原擬俟其來
閩商妥再具摺入告適奉購雇輪船

寄諭應先將擬造輪船緣由馳陳

聖鑒疏入奉

旨試行會英使威妥瑪與稅務司赫德上議中國自彊當廣求新
法於外洋輪船器械以購雇爲便

上疑其議密詢公公復奏曰臣維西洋各國向以船礮雄視海上
然貪貿易之利仰中國之威未敢妄逞其時各國未造火輪
船尙無所挾也道光十九年海上事起適火輪兵船已成英
吉利遂以入犯厥後尋衅生端瞰我寇事方殷未遑遠略遂

敢大肆披猖。此次威妥瑪赫德所遞說帖。臣揣其意有三。髮逆既平。彼無所挾。恐啟中國輕視之漸。一也。結款已滿。彼無所圖。欲藉購雇輪船器械。因緣爲利。二也。西洋各國。外雖和好。內實險競。共利則爭。英人欲見好各國以固交。又知各國以新法售我。思先發以籠其利。三也。若云別蓄詭謀。藉以挑釁。尙或不然。抑臣竊有慮者。各口旣開。有約無約之國。均來貿易。利以分而見少。近聞英商各行折閱漸多。雖彼自失計於我。何尤。然事急變生。不奪不壓。如有決裂。則彼己之形。所宜審也。陸地之戰。彼之所長。皆我所長。有其過之。無不及也。若縱橫海上。彼有輪船。我尙無之。形無與格。勢無與禁。將若

之何微臣所爲鯁鯁擬習造輪船兼習駕駛懷之三年迺有此請也見在新法自彊之論既發之威妥瑪赫德則我設局開廢彼雖未與其議當亦無詞阻撓至我

國家自彊之道莫要於捐文法用賢才任親賢以擇督撫任督撫以擇守令政事克修遠人自服是在

皇太后

皇上聖謨廣運非微臣所敢議也先是英福州領事有雅芝歸代者賈祿以公接待未優言於駐京公使總理衙門書詢公公具述本末書牘卷八是年復總理衙門書曰今春有雅芝回國署領事賈祿接署連奉諭旨雇買輪船曾札詢賈祿有無雇買賈祿向通商局道府說不應用札稱該領事并言上海廣東皆用照會領事見將軍督撫皆開門鳴

礪福建何獨不然比卽屬局員告以閩浙向來遵約用札來見向不鳴礪開門外國領事與中國道員平行上年接見有雅芝及與公文均如此查詢便知賈祿無言仍收回原札不數日來謁宗棠待之如常并提及用札是往例非忽起薄待之意伊亦無言但云接伊國欽差來文屬其勿受微露此等枝節與彼無干之意嗣又陳請清理中外交涉案件均照所請催飭速結以所請在情理之中故妥爲應付不致予以口責且言曰夷性貪而無厭罔知中國禮法所用多中國莠民教猱升木靡事不爲從前和約迫於時勢不得不然條約既定自無踰越之理然若於條約之外更議通融恐我愈謙則彼愈亢我愈俯則彼愈仰無所底極唯有遇事守定條約禮以行之遜以出之冀相安無事而已宗棠雖素性迂直不諳夷情然斷不敢率意徑行自取冒昧之咎如阿使再向尊處饒舌請向其詢問如何違約如

何失禮以便登復當是時捻寇未平而甘肅自同治元年陝回與漢民相仇殺乘寇亂爲逆甘回相繼盡變用兵連歲不能定有

詔詢公方略公奏曰福建遠在東南於鄂豫皖軍務文報阻絕甘省更偏在西北戰事無從揣悉故不敢妄有論列惟旣承垂詢則思慮所及有不敢隱者捻匪蹂躪江北河北萬騎縱橫論者謂欲平捻逆須益騎兵固然騎兵非練習有素則隊伍難以整齊槍矛難期精熟勝負之數未可預知蓋賊騎多於官馬而賊技又熟於官軍也因思古人塞上之戰每用兵車如衛青以武剛自衛深入絕漠馬隆用偏箱復通西涼明臣

余子俊曾銃郭登周尙文楊博輩皆以車戰顯蓋制騎者莫如車爲其行則載輜重止則成壁壘足禦衝突而固軍心也明中書趙士楨車銃議用車載銃車爲守具銃爲攻具亦有所見今勦捻寇旣議減步兵而添馬隊宜兼用車輛以遏賊衝如慮製造經費維艱則且廣雇兩輪車輛倒縛礮位閒以車輪開花礮測準施放行則爲陳止則成營似亦制賊之一奇勦捻勦回均不可少至甘肅之患乏餉銀尤乏軍食兵燹之後土地荒蕪千里饋糧士有饑色屯田之策似應舉行衝途宜用軍屯僻地宜用民屯其始置農具購籽種雖不免多有所費然較之無糧可因懸軍待哺者究有所恃至南方勇

下憚於西征實緣不耐寒冷不慣麥食之故似宜變通章程
遴調南方久經征戰樸健弁勇充營官百長酌帶親兵定其
營制增其薪糧赴河南陝西挑選土著散丁入伍自募自練
練成赴甘聽調散丁有習戰之營哨各官鈐束訓練易於成
軍豫秦一帶與甘肅風土相近易於服習以之興屯則農功
可期諳悉以之赴戰則精力可無疲乏儻亦事之可行此臣
一得之愚未敢自匿者也先是閩鹽公悉裁革陋規試行票
運一年較前入增三倍而帑息帶輸猶用爲累公以帶輸由
於緩徵借帑已多懸額積久新故更代終不能取盈而徒虧
正課迺併請豁免而奏定票運規約以裕新賦於是以次整

飭兵制吏治首議減兵并餉其時制兵不習戰事尤冗雜怯弱以軍興月僅得半餉往往虛占伍籍而別營生計公以爲與其欠餉不若減兵與其欠餉而養無用之兵不若減兵而節可惜之餉迺取無用不可練之兵酌減其半而以裁兵之餉加給練兵其塘汛散處之兵則併歸總汛分隘更代巡緝奏豪十九閩浙兵制急宜變通摺云竊自兵民分而不可復合於是歷代養兵之費最鉅國朝綠營兵下六十萬有奇此次軍興東南各省惟廣西金陵曾有調用制兵之事餘皆募勇以資戰守始以勇丁助兵繼且以勇丁代兵始以將弁領兵繼且以文臣代將此兵事之窮也各省召募日繁制兵名額未減既須籌戰士之餉又須餉不戰之兵餉無可籌不得不節縮額餉應之然按營每兵給餉數錢每月卽需耗銀數萬兩在兵月得數錢之餉不能半飽在官月費此數萬之銀已成虛擲此餉之窮也夫有兵不練與無兵同練之不勤與不練同今日之兵陸則不知擊刺不能乘騎水則不習

駕馳下熟礮械將領惟習趨踰應對辦名冊聽差使其練之也演陳圖習花法如演戲作劇何裨實帛省標尙有大操小操之名屆時呼名應點合隊列陳弓箭藤牌鳥槍擡槍次第行走既畢散歸不復相識此外各標營則久不操練并此花哨法陳式而亦忘之矣水師戰船失修朽腐殆盡將領巡洋會礮無從練習名爲水師實則就岸居住一登海船則暈嘔不堪一站立不穩遑云熟習沙綫慣歷風濤說遇有事奚望其有萬一之幸乎是則練兵爲救時之務矣兵之應練將弁知之卽兵丁亦自知之將領之有志者未嘗不思練兵以有爲也督撫提鎮亦未嘗不思練兵以寬咎責也而勢固有所不能營制兵馬月餉銀二兩馬乾一兩戰兵月餉一兩五錢守兵月餉一兩米皆三斗閒用折價近因庫款告匱有給銀欠米者有半銀半票者牽算每月僅獲半餉計不足供一人十日之食餘二十日則懸釜待炊衣履無出如是少壯不願入伍入伍多老弱窮無所歸之人或挂名冊籍以小貿傭工爲本業而以餘暇應差操至下府之藉當兵支門戶者抗官府窩匪盜名爲兵而從不與差操者其志并不在餉固不具論也夫額餉之薄如此又從而折減之欲不聽其別營生理必不可得既別營生理不能按日演操散居市廛不能一呼卽集

訓練有所不能施禁令有所不能及汰革則無精壯應募激
勸則無驍銳可拔如是謂兵之尤難怯弱不可爲兵兵不任
受謂將之疏慵類廢不可爲將將亦不任受也是則加餉又
爲練兵之急務矣臣按方今各省綠營通病祇因餉薄不能
練兵而餉之薄亦實由於兵之多耳與其欠餉曷若減兵與
其欠餉而仍養此無用之兵曷若練兵而并節此可惜之餉
卽以閩浙言之閩之兵額六萬二千浙之兵額三萬七千二
百合計已近十萬如果一兵得一兵之用制賊自有餘力何
以巨賊入境所至成墟不但不能收一戰之功并不能爲一
日之守也然則國家每歲所耗之餉不重可惜乎假令事前
兩省有素練之兵五萬以之援鄰保境豈不綽然何至遠恃
客軍多糜鉅餉惟其兵多故餉不能厚惟其餉薄故兵不能
精此固前效之可觀者臣惟兵之應亟汰者有四老弱疲乏
之兵吸食洋煙之兵虛名占伍之兵塘汛零星之兵皆無所
用而亦不可練者外此各標營聽差傳號書識各名色實爲
軍政之蠹亦應酌裁以實行伍大概挑畱可練之兵五成有
餘卽以裁兵四成有餘之餉加給之用足敷自可聚居勤練而
銀三兩戰兵可得銀三兩數錢日用足敷自可聚居勤練而
免散漫荒嬉之弊塘汛零星之兵有名無實甚或窩畱娼賭
擾害地方則併歸總汛勤練分段輪緝聲勢較完訪察易徧

是減兵云者祇減無用不可練之兵於兵制實無所損加餉云者卽扣此項裁兵之銀於餉事亦無所加也如蒙允行臣謹當與閩浙撫臣提臣妥爲籌議
庶幾兵精餉實一挽綠營積弊
既定迺核福建全省額兵實餉加給兵米折色首選省標三千人躬自訓練而各標營以分任水陸提督浙江亂後兵半逃潰則不復收伍就存籍者選募以符新制又奏停捐武職箸爲令公維恤民必先恤吏福建經徵錢糧以兵燹失籍由書吏徵解浮收逋欠官民交困公迺清釐全省賦額定多寡之程勒石昭示又以州縣受累之由尤在陋規攤捐通核司道以至丞貳視所處之繁簡權其經費提釐稅所餘以資在公之用而從前名曰陋規取之無制者并爲禁斷其攤捐則爲分別停免籌備吏事舉

而民困亦蘇上下稱便

奏稟十九釐定閩省進出款項請停

道貴去中飽節用之道先杜虛糜未有徵收無制得免侵欺
弊累不除可期整飭者也閩省吏治廢弛已久各屬徵收錢
糧徂於歷年遞減分數從不全完雖迭札嚴催自愛者僅顧
考成不肖者輒甘參處固積習使然亦實因邇年以來地方
多事徵收短絀復加以攤捐之賠累供應之浩繁入既未能
取盈出又難以搏節以致上虧國課下浚民膏論律固無
可寬而論情實有可恕見欲力求正本清源之舉則經徵錢
糧不可不亟為釐定也閩省土地瘠薄徵額不及江浙各省
之多浮收亦較各省為少惟自各府賊擾徵冊毀失官既無
從稽攷責成書吏徵收民間完納但取書吏收條不復問官
之券票於是田賦有飛酒詭寄諸弊任意浮收彊者任其抗
延弱者肆其恐喝官民交困為害無窮將欲剔除錮蔽必先
清釐賦額將各廳縣丁米照章連耗餘徵收若干出示勒石
庶免藉端浮取而後完納多寡適有定程然徵收之弊雖除
攤捐各項不為設法彌補則州縣之苦累未已其藉端浮取
仍不可得而禁也蓋攤捐有關報部者有由外銷者有州縣
自行流攤者其報部及外銷者率由養廉扣除其自行流攤
者多由前後交代抵算故養廉虛有其名從無實給且有攤

款較多養廉尚不敷劃扣者有因款目繁多事隔數年官逾
數任未能清算者將欲輕減州縣苦累必先實給養廉并將
流攤各款分別停免必不可免者另行籌款彌補而後經費
出入遇可約計又州縣苦累非止攤捐一端如上官過境夫
馬有費門包過山禮有費上官到任鋪墊執事有費平時月
費節壽各款且相沿已久名曰陋規上官視此爲本分應得
之項州縣亦視此爲上官利其陋規徇其情面遇有過失輒
法巧取於民以供之上官隱相挾制自詡能幹上官之取
爲州縣也一州縣之取於民也十何怪民生之日蹙仕風之
於下乎此察吏之必先恤吏恤吏之必先裁革陋規也查司
道以及佐雜各官廉俸外涓滴皆非應得之款既將各項陋
規裁革而養廉一項又扣除減成減平察看情形委實不敷
支用其署事人員僅得半廉查更無論矣竊維制用莫要於
通籌而立法必期其核實陋規一項與其明爲禁革而暗任
取攜曷若予以限制而別籌津貼當飭署藩司周開錫通盤
籌算先將各屬進出款目逐一開報以憑核酌存留均勻津
貼務期取民有制均則無貪茲據周開錫詳稱已據各該管
道府呈送前來應卽分別釐定經徵地丁糧米向章連耗餘
徵收若干出示勒石以便永遠遵守至攤捐各項除剿臺匪

張丙夷務軍需兩案已專案奏免外尚有部飯等項年額應
解銀一千七百八十兩又外銷津貼各衙門書吏三十三款
年額應給銀四萬三千兩又外辦各案工程應攤未補銀十
餘萬兩各府廳縣自行流攤數萬兩又供不應項下文武鄉試
供給每科需銀三萬兩除由司例給外尚不敷銀二萬八千
餘兩三年一次應攤派銀八千九百餘兩又貢差往返供應
以及年例十二幫貢差夫價等項分年計算共需銀二萬八
千兩均由司另行提款歸補并綜核兩司道府暨佐貳佐雜
缺分之簡繁用費之多寡酌提經費以資辦公其向來各項
陋規概行裁革所有前項彌補攤捐提辦供應酌給公費銀
兩即在閩安七關稅餘茶葉起運稅耗并洋藥百貨釐餘項
下提給等情前來臣等覆加查核除攤捐并各款有案外其提
辦供應酌給公費通年核算為數稍多而實則以前取給於
州縣者尚不止此且閩安七關關稅年額應徵銀一萬六千
餘兩先歸各縣徵收正項尚難足額自改章裁革陋規始獲
少有盈餘其茶葉起運稅耗尚係各州縣私收入已見均提
歸公用至洋藥百貨釐餘閩省章程於正項外酌抽十分之
一畱充一切開銷係向不報部之款見即以稅餘釐餘提給
各項公費不再撥及州縣亦無須另動正款而出納九
一正其名予受各得其實似於吏治民生兩有利益九月廿

肅回亂益急

詔公迯督陝甘時公方擇福州馬尾山下爲船廠與法人德克碑
日意格條定章約迺奏請沈公葆楨出主船政沈公方丁憂
家居公三造其廬敦促之以閩事未定奏緩程期於是舉吏
治兵制之應更置者日夜區畫心力交瘁家書是年與景喬先生書云自奉西
征之命自限四十日料理閩事而後却繁發摺三十餘件
片四十餘件心力爲瘁癸姪爲吾寫摺亦無輟筆之時已倩
人錄副錄兄取視而以臺灣爲沿海重鎮檄調吳大廷爲臺
之當不啻其妄也灣道劉明鐙爲臺灣鎮總兵奏曰臣忝督閩浙於今三載治
軍之日多治事之日少計自二月回閩甫七閱月復奉

恩命迯督陝甘自維時迫智短上孤

朝廷倚注之恩下負十郡士民之望其最抱歉者莫如福甯臺灣
兩府福甯距省匪遙尙易料量至臺灣遠隔大洋聲氣間隔
見檄調補臺灣鎮總兵劉明鎧臺灣道吳大廷冀可銷患未
萌而吏事兵事有應早爲籌畫者臺灣設郡之始議由內地
標營調兵更番戍守三載爲期用意至爲深遠計額兵一萬
四千餘可謂多矣咸豐初內地兵事孔亟班戍之制不行見
今存者不及三分之一一有蠢動卽須募勇所募者本處游
手無籍之徒聚相爲兵散仍爲匪從前臺灣道設有道標以
備調遣近自道標裁撤遇有勦捕之事文員不得不借重武
營一任其虛冒侵欺莫敢究詰武營縱兵爲奸營兵以通賊

爲利全臺之患實由此起道光四年奉

旨鎮兵歸臺灣道察看久未奉行羣已習焉忘之今欲復兵制則
宜遵班兵舊章欲重道員事權則宜復設道標俾有憑藉申
明鎮兵歸道察看之例以杜欺罔重操防庶幾互相維制而
軍政可舉也臺灣水師向設戰船九十六號今無一存戰船
旣無而修船之費仍不能無武營虛冒侵欺非文員所能禁
革而歷任總兵未有舉而正之者將弁煬蔽於下鎮臣回惑
於上積習相因由來已久如迄此款製船巡洋募練水兵以
求實效必須鎮道得人同心共濟而部中不復以舊制相繩
庶幾實事求是而船政可舉也臺灣物產素饒官斯土者惟

務收取陋規以飽私橐見據吳大廷稟擬將道署陋規悉數歸公以昭清白劉明鏡亦毅然以裁陋規革節壽爲請是皆正本清源之不容已者惟陋規旣已裁革則必別籌津貼以資辦公庶廉吏可爲迺收正已率屬之效也閩省文武錮習以辦案索兵費爲取盈之計民俗挾仇械鬪勝者輒占敗者家產謂之紫厝官爲按治先索勇糧夫價及至臨鄉置正兇不問或捕案外一二人塞責民忿官之貪庸也相率結會私鬪浸成巨案諺云十年大反五年小反大概由此必賴廉正明幹之道員時以洗冤澤物爲心嚴操守勤訪治孜孜奉公不敢暇逸庶幾惠澤下究人心固結迺收長治久安之效也

臺灣生番性雖蠻野卻極馴順地方官如清慈自持以簡佚之道處之最易見德從前生番獻水沙連六社之地請得雞鬚比內地民人疆臣以聞而部議格之生番鞅鞅失望卒致游民勾番私墾長械鬪之風寢爲逋逃之藪至今臺人言之猶有餘憾夫馭邊氓之道與內地殊此輩山獸河魚但能順其性而撫之勿有擾害積漸自然自可無事無論輸款內圉供糧當差於

國家有益無損卽令稍有所費亦當羈縻弗絕以示恩信何有擯絕不受坐視客民疆佔虐使畱爲肇畔之端況近洋人入駐要口以來游歷內地習知形勢設我棄而人取之尤於事

體非宜見當生齒繁盛游民輻輳之時似宜弛墾荒之令并聽生番薙髮齒於編氓但勿彊爲招致於事理似無不可至臺郡雖產米之鄉近番船搬運頗多時有蓋藏空虛之慮禁止勢有不能則立社倉廣謀儲積似不可緩凡此均應由鎮道隨時籌辦者臣原擬諸務就緒東渡一行今去間有日無暇及此劉明鏡吳大廷皆任事實心必能綢繆未雨爲東南奠此巖疆仰懇

皇上天恩敕下該鎮道察看情形隨時會銜陳奏妥爲辦理不勝感幸之至是時船局規模粗定既遣人赴洋購機器船槽迺先開求是堂藝局選聰穎子弟入局隸習英法語言文字算

法畫法以備用洋員日意格等皆以公去閩自疑公迺條具
船政甄局規約十有八則呈進且奏曰茲局之設所重在學
造西洋機器以成輪船俾中國得轉相傳受爲永遠之利也
其事較雇買爲難其費較雇買爲鉅臣德薄能淺不足爲其
難又去閩在即不能爲其難當此時紬舉盈之際凡費宜惜
鉅費尤宜惜而顧斷斷於此者竊謂海疆非此兵不能彊民
不能富雇買僅濟一時之需自造實擅無窮之利也於是則
雖難有所不避雖費有所不辭然而時需五載銀需三百數
十萬兩事屬枘舉成否未可預知幸而學造有成縱局外議
論紛紛微臣尙有以自解設學造未能盡洋技之奇卽解造

輪船不能自作船主曲盡駕駛之法則費此五年之時日三百數十萬之帑金僅得大小輪船十六號雖所造較購買精堅適用而估計所費多於一倍於大局仍少裨益責以糜帑咎何可辭凡此皆宜預爲綢繆而不能預爲期必者故此局之定愛臣者多以異時之咎責爲臣慮局外阻撓爲臣疑卽日意格亦言此時局面旣更勢難兼顧如欲停止願將已領之銀仍卽繳回臣咎以事在必行萬無中止之理但願一一謹守條約盡心經畫共觀厥成如有差謬當自請

朝廷嚴加議處而已奏入

上嘉公沈毅有爲不以去閩自諉

諭曰創立船政實爲自彊之計若爲浮言搖惑則事何由成左宗棠大臣謀國所見遠大自當堅定以期有效也十月壬寅公出駐行營於是選所部三千人從征畱七千餘人福建分屯各郡縣奏起劉典幫辦陝甘軍務自湖南募舊部三千人至漢口會師復申車營屯田前議請部定各省協甘實餉福建士民聞公將西行合詞詣巡撫代請籲畱

溫旨緩公行且

諭曰俟甘肅底定朝廷不難令左宗棠復來閩也十一月戊午將

就道士民攀畱者填塞衢巷迺復畱數日於丁卯啟行

書牘卷八

是年與楊石泉書云行期因輪局未定改至初四日而士民因各紳籲畱一疏適奉 批答暫緩西行初三日入城辭行

羣起攀留塞滿街署督曉再三終不可止回營次日衣冠數十輩至苦留小任以從民望不得已改初十日啟行吾何施而得斯於民哉姚作之餘不覺淚落此間民困食虐之政冤抑之氣充塞里閭治匪爲安民之要練兵爲遣勇之要開正誼書局爲養士勸學之要教種桑棉爲養民務本之要增積貯爲備荒之要効貪獎廉爲課吏之要使得久於此數年數者必期有成今紀綱粗立而遠賦西行於關隴未必能爲功而閩則已不能視其效吾方歉恨之不暇適閩人相與歌頌而挽留之其自江西取道湖北在途奉益使余悲也

詔以捻酋張總愚入陝西促先入秦擊捻十二月戊申公至黃州則捻酋賴汶光任賴等已分黨竄湖北漢黃德震動湖北巡撫曾公國荃治軍禦捻當是時捻遂分爲二自河南分犯湖北者爲東捻入陝西者爲西捻督師曾公國藩以疾還兩江李公鴻章代之檄淮軍蹙寇湖北辛亥公行抵武昌適營於

漢口後湖集各軍一先是夏間周夫人率家人至閩省公由

海道還湖南至是遇於漢口景喬先生亦自長沙來會旋皆

別歸文集亡妻周夫人墓誌云班師還閩夫人率家人省余

急余奉遙督陝甘之命總師西發行至夏口適夫人挈家

累返長沙航海東來復得一晤余登舟餞別慨後會之難期

夫人亦淒然相對勉以吉語慰藉而執知此別即終古也

慎齋詩文鈔序云余由閩浙督秦隴兄攜子渾視余漢上相

持而泣時兄病嗽久肌膚銳減飲饌量腹而後進余則誦兄

所作詩文侑酌娛之兄喜每盡一觥帳下健兒環聽相睨而

笑蓋非復曩者送疑推難誼競之態矣是年京察異等作彭母王太夫人

傳一首

同治六年丁卯公五十六歲

正月公駐軍漢口調各軍未集上奏曰竊臣由閩起程時舊

部將領分駐兩省攜以同行者僅三千餘人奏請劉典幫辦軍務亦僅令募舊部三千人初意南人用之西北非宜祇多選營官哨長之才入秦後將陝甘兵勇汰畱而勻撥弁勇充當親兵護哨編列成營以倡勇敢之氣又臣軍轉戰東南山澤之鄉無須多用馬隊數本無多由閩拔隊之時以嶺嶠艱阻水陸數易故遂畱之閩中擬抵鄂後派弁上口呆購至鞍韉一切又須在陝西製買故前此陳明抵鄂抵西安均不能無少耽延也昨抵黃州始知捻逆大入鄂疆漢黃德一帶均形震動復奉

寄諭竄陝捻逆又已擾及南山傳聞賊蹤蔓延甚廣萬騎縱橫鄂

陝官軍均不得手臣暫於漢口鎮北橋口安營飛催劉典迅募成軍并增調各營於原擬六千人外加募六千合成萬二千人

諭旨敕臣由鄂入秦先剿捻逆此時臣軍步隊僅止三千馬隊尙未習練雙輪獨輪車式尙未動工製造所擬以制賊者步隊馬隊車營而皆無以應手倉卒卽戎必貽後悔臣不敢不慎也方今所患者捻匪回逆耳以地形論中原爲重關隴爲輕以平賊論剿捻宜急剿回宜緩以用兵次第論欲靖西陲必先清腹地然後客軍無後顧之憂餉道免中梗之患謹卽一面就地采買口馬練習馬隊先造獨輪礮車暫應急需俟所

調各營取齊由襄鄧出荆紫關徑商州以赴陝西卽古由武關入秦之道沿途遇賊卽擊比抵陝西則製造雙輪礮車兼雇買車輪竝口馬到陝增練馬隊并習車營一面開設屯田一總局相度秦隴緊接要隘有水草可田可牧者開設屯田一面汰遣陝甘各營去疲冗省軍食爲久遠之規其願畱屯田者編入冊籍指地屯牧不願畱者資遣散回各本籍禁其逗畱爲患然後軍制明而內訌可以免屯事起而軍食可漸裕也甘省回多於漢蘭州雖爲省會形勢孑然孤立非駐重兵不能守駐重兵則由東分勦各路之兵又以分見畢不克挾全力與偕一氣埽盪將來臣軍入甘應先分兩大枝由東路

廓清各路分別勦撫。族大局戡定。然後入駐省城。方合機局。是故進兵陝西。必先清關外之賊。進兵甘肅。必先清陝西之賊。駐兵蘭州。必先清各路之賊。然後餉道常通。師行無梗。得以壹意進剿。可免牽掣之虞。亦猶之江皖布置周妥。然後入浙。浙江肅清。然後入閩。閩疆肅清。然後入粵。已復之地。不令再被賊擾。當進戰時。卽預收善後之效。民志克定。兵力常盈。事前計之。雖似遲延。事後觀之。翻爲妥速。自古邊塞戰事。屯田最要。臣已屢陳其利矣。漢宣帝時。先零羌反。趙充國銳以自任。其所上屯田三疏。皆主持久之義。宣帝屢詔誚責。充國持議如初。卒收底定成效。可知兵事利鈍。受其事者。固當身

任其責。至於進止久速。則非熟審彼己長短之形。飢飽勞逸之勢。隨機立斷。不能。此蓋未可以臆度而遙決者也。臣頻年轉戰東南。於西北兵事。未曾經歷。所部均南方健卒。於捻回伎倆。并無聞見。若不愼之。幾先加以迫促。誠恐所事無成。時局亦難設想。明臣孫傳庭催促出關。卒以致敗。可爲前鑒也。
伏懇

皇上假臣便宜。寬其歲月。責臣以西陲討賊之效。不效則治臣之罪。以明軍令。臣惟勉竭駑鈍。次第規畫。以要其成。勦捻勦回。均惟事機所在。若兵力未集。馬隊未練。屯務未舉。車營未成。則無所藉手。以報

君父臣雖身任咎責無補時艱此則耿耿愚忱有不能不預爲披
瀝者已復奏調廣東提督高連陞率所部西征劉典已授甘
肅按察使奏改實京卿幫辦陝甘軍務而薦贛南道張岳齡
率所部三營代之

上悉報可是時陝甘總督楊公岳斌已請病而甘事益棘劉公蓉
以陝西巡撫解任畱勦捻寇軍戰不利奉

嚴旨公疏言楊岳斌劉蓉時艱適值然在事日久臣自顧才力無
以踰之請未入關以前仍

敕楊岳斌劉蓉悉力支持使臣得從容展布與兩臣殫誠盡瘁紆
朝廷西顧之憂疏入劉公蓉已罷歸楊公請歸益急是月

授公欽差大臣督辦陝甘軍務而

命甯夏將軍穆圖善暫署陝甘總督於是奏設陝甘後路糧臺湖北以道員王加敏領之次第剗製獨輪礮車遣人赴北口購戰馬募吉林獵戶爲馬隊奏調滿州鑲紅旗佐領喜昌教練之王子壽柏心數貽書論西事亦以車營屯田爲時務所急

按王氏柏心與公書云聞有督師秦隴之命雍涼號山河百二爲國家西面屏藩頃值回氛亂離瘼矣自非出羣才略如寇子翼馮公孫之儔無有能摧陷廓清者柏心壯而游秦隴略習其山川風氣回民疆穰良者畜牧兇獍者則帶刀行劫營中將士什九皆回漢民極孱懦無復秦時銳士漢代貝家六郡武力矣平時釁隙已深因料三秦有事必花門首亂欲著徒戎之論適不旋踵而禍作矣蔓延至今兵力益不可計財賦殫竭四方皆不能挹注師行往往數月無居人農業盡廢糧食告罄既無轉穀它省之理又山谷糾錯水泉乏絕即能裹糧峙糧窮追深討彼則逃匿荒寨遁出關外俟我

深入迺潛斷糧路與汲道我軍未有不偵者也竊以爲秦事
不獨在猛戰而在方略處置爲遠大之謀且今秦事尤極糜
爛各營軍士精銳銷阻遠方召募之士聞風已不樂往卽往
亦不能戰米麥全不可得當此而欲卷甲直趨雖資育之勇
韓白之謀亦困於石據於蒺藜耳爲明公計急宜奏請屯田
必二三年迺見成效米穀旣足練軍亦就然後引兵下龍戰
勝攻取可運諸掌明公上奏先與朝廷約勿求速效勿遽促
戰必食足兵精始可進討請以三年爲度昔王翦趙充國皆
先定規模堅守初議與君相固爭卒以成功願明公仿此意
行之如得棗祇任峻輩專務壅閼力行勸課軍食旣足士飽
馬騰其與轉饟它省者功相萬也至它日進兵視彼中尤驍
黠者誅翦之餘旣不能盡誅誅其畏服請撫因兵力迻而分
置之西甯階岷或延榆邊外聽立回報勿與漢民雜處杜塞
蹊隧擇險立戍布以威信又簡彼族良善者使自相什伍加
之約束無復闌出滋擾公答曰自古用兵塞上屯田以裕軍
如此可保百年無事也儲車營以遏突騎方略取勝勦撫兼施一定之理壯侯初不
見信於漢韓范終不見用於宋是以千數百年富彊之區化

爲榛莽。茲承彫敝既盡之後，慨然思所以挽之，非倚任之專，積漸之久，何以致此。五十有六之年，去日已多。

朝廷所以用之者，不過責一時之效已耳。以不可多得之歲月而求難以驟致之事功，其有濟乎？惟日孜孜以啟其緒，博求俊傑以要其成，則區區之忱不敢自釋者耳。已王氏自監利來

見與縱談關隴形勢，用兵次第，遂定三路進兵之策。

奏稟卷五十四

軍務人員志節可嘉，請宣付史館。摺云：臣迺督陝甘師，過黃州，王柏心漢皋營次一見，詢以關隴山川形勢，用兵次第。王柏心罄所知以告，蓋嘗入前雲貴總督林則徐及前陝甘學政羅文俊幕，徧歷關內郡縣，與程日記歷歷可稽。維時臣去湘日久，親友聞臣有萬里之行，來鄂渚省視，言及入關度隴情狀，多爲臣危者。王柏心獨不謂然，臣爲氣壯。後此三道進兵，堅持緩進，急戰之議。是時劉忠壯公松山以皖南鎮總兵亦王柏心有以啟之。

率老湘軍九千人入援陝西已再敗捻西安解嚴捻渡渭北
竄時山西按察使陳湜主河防

詔公兼制其軍而回匪乘捻亂復自甘肅分道大入環陝境西北
皆寇蹤巡撫喬松年促公軍入關是時公練車營甫就批札
批吳中書士邁稟云捻賊伎倆在衝突包鈔非多用槍礮不
足制之槍礮多非用車不可車與礮合車粗重而礮靈便可
以擊遠行則成營止則成陳雖萬騎縱橫不能撼我也剿捻
逆宜用陳法不比髮逆之可以野戰取勝陳式宜整宜緊時
時如對敵雖行路亦然庶免倉卒之患此要訣也所謂陳式
不過方圓偃月仰月四種五營梅花三營品字隨地勢擺列
前者前左者左中者居中右者右後者後干變萬化隨機立
應無他巧妙只要施放時從容不迫一排分作兩次施放連
環相接而以綫棉洋槍礮總要取平稍有高低便不能準
眾當之便成蓄粉凡放槍礮總要取平稍有高低便不能準
此當預先所謂各軍漸集迺分配車礮編為前中後十五營
訓練者

令劉端冕周紹濂楊和賁分領之而自率親軍十哨四旂并馬隊二月戊申發漢口以湖北捻患方亟檄劉典新軍至畱屯澤口三月庚午進德安鄂捻擾至天門鍾祥圖渡漢而西公迺畱軍德安期湘淮軍至合長圍曾公國荃檄水師扼曰口捻折竄京山辛巳公軍進隨州捻騎竄至州東北高城先是公議礮車制賊馬而以馬隊當步賊以陳法新變戒諸軍勿縱擊四月甲申進軍塔兒灣捻倏見礮車皆不戰狂奔整旅驅之捻北走信陽會湘淮軍先後至迺取道棗陽進樊城以各省協餉不以時應請援江蘇滬防例由海關預借洋商銀百二十萬兩餉軍分設采運局上海委道員胡光墉司其

出入

上從之辛卯抵樊城鄂捻復竄至棗陽乙巳公回軍出張家集要之捻敗走河南新野劉松山復敗西捻于涇陽捻東趨同朝已又敗走蒲城

寄諭公殲賊秦境勿軼出豫鄂合東捻公迺分軍三道入關公軍由樊城趨潼關劉典軍取道荆紫關出藍田高連陞新軍至汭漢水至洵陽登陸以顧興漢五月乙丑自樊城進發六月丙申軍度函谷天大雷雨方出谷止營山水驟漲輜重漂失過半庚子抵潼關山西按察使陳湜來見公與通籌河防以西岸自河曲保德至蒲州津渡至多皆與陝西同州延安綏

德相接防軍獨陳湜水陸數千人冰橋成尤資陸軍堵禦爲
奏與山西巡撫趙長齡合詞請遣弁回南增募八營

許之辛亥劉松山會蜀軍將黃鼎擊捻蒲城皖軍將郭寶昌自洛
河來會七月甲寅合軍大破之富平昌甯邨陝安游擊劉效
忠軍扼涇陽捻遂掠三原高陵沿渭北東趨於時回逆西犯
隴州麟游汧陽西北犯三水淳化譚玉龍軍守邠州別黨合
土匪北入鄜州宜君劉厚基軍拒中部洛川甘泉皆日有戰
事而迺北靖邊失守分擬保安安塞甘軍將胡世英守延安
不能禦東北自慶陽入者據北山董志原黃龍山由洛川入
擾澄城韓城郃陽游騎至朝邑公至則遣楊和貴周紹濂周

金品渡渭拒朝邑回遁入北山公以擒彊於回回旣當分別
勦撫則用兵當先擒以及回度擒圖誘官軍悉東復乘間折
而西趨渡涇渭以竄豫鄂於是檄晉軍嚴扼東岸防偷渡而
調劉松山郭寶昌改道由富平趨蒲城出寇前楊和貴等由
三河口還扼華州劉端冕會劉典軍自藍田進臨潼劉效忠
軍逐涇水西岸高連陞軍由藍田進屯咸陽南岸皆憑河結
營期蹙擒涇洛閒殲之己巳劉厚基自甘泉進攻安塞回大
破之橋扶峪回酋張幅滿溺死擒斬其目李雄安等三十餘
人甲戌劉松山郭寶昌敗擒於渭南北岸新莊擒乘各軍未
集遂西掠臨潼三原戊寅自涇陽潛渡入咸陽劉郭軍追至

則已越興平竄乾州醴泉已復圖於興平掠船渡渭水八月
壬午黃鼎軍先自咸陽出終南鎮邀之擒迺復由臨涇東渡
公聞擒復渡涇自率親軍馳駐臨潼檄各軍分三道由涇西
會大雨彌月水漲軍不得進而擒亦止涇陽乘閒出三
原富平高陵各縣境掠食九月辛酉公親赴涇西集各軍將
商進止令黃鼎守涇河西岸劉效忠扼耀州山口調劉典高
連陞出高陵劉松山郭寶昌出富平公還駐臨潼調軍食擒
見大軍進逼勢不復能南渡丁丑乘大風雨由蒲城東南北
趨白水入山其時回匪充斥北山於是急調劉典高連陞劉
端冕各軍趨耀州防擒回合勢而檄劉厚基鄜防軍南下要

寇是月提督雷正綰擊回於甘肅甯州涇州防軍將張在山擊回於鎮原皆破之回遂掠正甯入陝西三水檄譚玉龍自邠州禦之同時別部回復入隴州汧陽陷寶雞遣楊和貴周金品自咸陽赴援黃鼎軍繞靈臺會之寶雞回聞大軍至併走汧陽總理衙門以明年修約屆期是月貽書咨公損益所宜公條具五事一議請

觀自古帝王不能胥外國而臣之於是有鈞敵之國旣鈞敵矣自不必以中國禮法苛之彊其從我泰西與中國遠隔重洋本非屬國其君臣之禮實無拜跪之事今不能阻其入覲而必令其行拜跪禮使臣未必遵依卽如來諭酌中定制亦似於

義無取竊思彼以見其國君之禮入

覲所爭者中外鈞敵不甘以屬國自居非有他也似不妨允其所
請一議遣使外國於中國山川政事土俗人情靡不留心諮
考而我顧茫然駐京公使恣意橫行而我不能加以詰責正
賴遣使一節以詗知各國之情僞而戢公使之專橫尊慮遠
隔重洋擇使既難籌費不易惟思海禁大開以來江浙福建
廣東沿海士商經歷各海國者實不乏人其中通曉各國語
言文字堪膺斯選者尙多責成各督撫精爲訪擇以游歷爲
名其使臣則五年一派卽從此項人才內挑派如彼時輪船
局學藝已成無須搭雇外國輪船則所費亦省一議內地設

行棧內河駛輪船此皆洋商慫恿所致若允其請則中國奸商均埒洋人與局卡爲難影埒偷漏釐耗因而減少船商行戶因而失業所關非細伊以多用華人爲言豈知所養者僅止傭工趨食粗人其船商行戶失業者不知凡幾修約時以此折之而地方官訪辦勾引華民自行內禁之法一議販鹽挖煤洋船拖帶鹽船大爲鹽務之害按照通商章程善後條約申明禁例彼必不能力爭洋人開煤實則開礦言煤者託詞耳如準其租山則變成夷業年月久暫殊難預定必滋事端此與內地設行棧駛輪船當以商情民情斷難允從官司不能禁制阻之一議開拓傳教外國行教之人中有清修好

善者如喇嘛之有黃教有邪僻爲非者如喇嘛之有紅教上年朝鮮藉殺行教之啟衅法公使請加兵國主答以應察明教師有無爲非情事再定行止察看情形法國之待教師與中國之待喇嘛同似非專以行教爲陰謀若遇民人與教士構衅之事中國但持原議與之爭論不令教民恃爲護符彼亦不得橫生枝節至潛逐默化如尊論不禁之禁則在地方官賢者爲士民扶持正氣非一時可驟幾也十月壬午劉厚基再敗捻於中部洛川捻北走鄜州甘泉以荒瘠無所掠食復折由東南走宜川別黨西竄耀州北掠膚施入安塞劉厚基還扼宜川甘草坪是時高連陞方追寇抵洛川而竄耀州

捻大合回匪攻擾同官畱防軍不能禦高連陞聞警甲午自洛川一日夜馳二百六十里合劉典軍大破寇焦家坪斬馘二千寇敗走宜君迺與劉軍分屯耀州宜君先是捻北走入山劉松山請高劉軍壁山外自率所部西趨同官耀州逼寇出山與夾擊公以捻大眾已東南趨宜川劉軍西進則韓澄空虛勢必南竄鈔官軍後而宜川瀕黃河西岸尤慮冰橋成寇乘之竄晉迺遣總兵李南華扼韓城神道嶺檄劉松山郭寶昌各軍由宜川延長延川沿河北要寇高連陞劉端冕自鄜州甘泉趨延安綏德與合勢已而高軍爲同官回所牽綴還屯宜君戊戌劉松山郭寶昌渡洛河進發前隊已抵洛川

壽春鎮總兵李祥和率千人繼進至大賢邨同官回遠出掩
擊李祥和戰歿劉松山急返軍回救寇已回遁鄜州而捻大
眾之在宜川者遂益北擾延長

朝議尤慮捻東渡入山西

嚴旨督公就地殲除公覆陳曰臣入秦之始深以捻逆他竄爲慮
與劉典分道入秦杜其竄豫竄楚之路入潼關後凡所布置
均爲就地殲賊起見不但晉省爲

畿輔屏藩不敢容賊東犯卽豫楚蜀等省亦不肯任其奔逸故
與各將領咨諏方略大舉圍逼期殲賊於渭洛之間捻逆知
無竄路鋌走入山北山荒瘠殊常官軍追勦皆以無糧不能

急進臣不惜重資分道設局轉運而其中實有人力難施之處加以回逆內犯牽制我軍劉典高連陞劉松山郭寶昌劉厚基各軍先後皆被牽擾頻滯師行夙夜惴惴深以捻逆直趨北路爲懼今幸賊未遠竄劉松山等均能及賊鈔擊機尙可乘至山西防務臣在潼關時與山西按察使陳湜熟計尙交冬令宜注重河曲保德一帶以備冰橋令陳湜速調晉兵二千名赴河保由山西大同鎮總兵馬陞督防又分所部忠字四營剋期疾趨北路與馬陞協防不知能否無誤臣奉命節制山西河防敢不兼顧惟自山西至河保已千數百里不但臣鞭長莫及卽陳湜亦慮呼應不靈臣豈敢遽謂確有把握

故時存萬一之慮與劉松山郭寶昌先申東渡之約臣生平以驅賊爲恥況晉防關係匪輕豈竟不知緩急臣之私願固期殲賊秦中而不能不防其竄晉及豫楚蜀三省者則力小任重不免時存過慮也是時甘肅近接陝境回悉分黨內犯穆圖善旣署總督壹意主撫而西甯辦事大臣玉通尤久制於回楊公岳斌前遣提督鄧全忠勦貴德廳回玉通以爲有礙撫局奏罷之奉

旨詰責公數遺書穆圖善以玉通爲奸回所誤且告以回民願撫亦其本意然必我能勦彼迺甘心就撫否則我以此聊示羈縻彼亦以此故相侮弄至是西甯回益殘城中漢人官吏莫

能問公得總兵黃武賢書奏之

上下其書穆圖善先是楊公岳斌奏委陝西布政使林壽圖主甘肅後路糧臺駐西安旋以林壽圖分餉平固慶涇各軍迺別設糧臺漢中委道員陳丕業司之以轉運秦安達蘭州及是穆圖善數請

朝旨趣公分濟軍餉又以陝西截用甘餉爲疑而撤西安糧臺并入漢中公疏陳餉事本末力言以爲不便

按是年覆陳甘肅餉事通籌陝甘全

局摺云伏查甘肅地方荒瘠承平之日專恃各省協撥軍興以來餉絀兵增遂致困難不可收拾陝甘歸督臣統轄甘有事則陝受其害陝無事則甘蒙其利安陝適能固甘此如一

家一人之事不可區而爲二也前督臣楊岳斌設甘肅後路糧臺於西安以陝西布政使林壽圖領其事支應平固慶涇

各軍初制甚善迨甘事日棘楊岳斌不及通籌餉事令道員

陳丕業於漢中改設糧臺轉餉徑解秦安不由西安經過亦
明知林壽圖勢處萬難而急於自救目前不遑兼顧楊岳斌
亦未盡得改道之利也上年九月臣調任陝甘籌西征的餉
兼催各省協餉各省以甘餉爲臣軍所需急於措解適設陝
甘後路糧臺於鄂比擬酌帶五六千人自鄂入秦旋圖入隴
計新增閩粵浙三省協餉尙可支持故有不截甘餉之議嗣
捻逆張總愚入秦不能不添募爲勦捻之計遂至增兵數倍
加以購買騾馬車馱料量行資需用繁鉅入秦之際已不能
不挹注甘餉入秦後芻糧騰貴饋運奇艱費益不貲而陝甘
各軍之極困者不能不略與通融客軍之出力者尤不能不
時其緩急臣舍甘餉無可動之款而甘軍數經敗潰勇數已
大減於楊岳斌在事時以所得協餉計之尙不至窘於往歲
若以甘餉全界甘省甘軍能辦賊與否臣不敢知而臣軍且
立困於中道此臣動用甘餉緣由也臣所借洋商銀除水腳
保險匯費息銀外實可得銀一百十餘萬兩由各省實解鄂
臺頭批到已在九月臣軍待餉正急應手而盡二批到時除
分潤各營外籌湊銀六萬兩撥解甘省而臣軍各營見已積
欠三四月不等計本年十一十二兩月支發軍餉糧價卽形
竭蹶各省明春協餉就令正月卽解已須三月抵秦已恐停
兵待餉況主客各軍糧價及涇慶各軍又不能不隨時勻濟

此洋商借款未能多濟甘軍之情形也查甘軍餉項自六月間臣入秦後共撥銀三十七萬兩并陳不業林壽圖所解總計約六十餘萬兩前數年所得協餉尙未必如此之多然臣信思竭力籌畫一面飛咨四川督臣到日再撥銀五萬兩以應甘軍年終之用一面飛咨四川督臣於代辦軍米內先儘署督臣酌提濟用准署督臣見飭林壽圖撤西安糧臺悉以餉事歸秦安糧臺又撥山西河南協餉歸雷正綰委員守催而令曹克忠忠舊部張在山涇州一軍仰給於雷正綰涇軍先存疑慮在署督臣恐林壽圖截雷餉銀因併西安糧臺撤去正與楊岳斌漢中轉餉事出一轍而以涇軍餉事寄之雷正綰坐使涇軍解體實覺非宜若令慶涇各軍概取給秦安糧臺又艱長莫及慶涇防軍渙散陝省卽有剝膚之災自古用兵西北必多籌運道以備不虞似此專注漢中秦安一路設有梗阻必致貽誤且自西安至甘十六站自漢中至甘二十七站遠近攸殊於漢中設分局轉運四川銀米可也若轉運各省甘餉於道里軍情兩無所取此後臣軍入甘亦必仍於西安設陳甘總糧臺則見設西安之甘肅後路糧臺豈有撤理林壽圖再回恩請裁撤臣未允行良以事勢了然無煩再計此西安糧臺未便裁撤之情形也竊謂寇來自外急藩籬而緩堂與用兵於內後枝幹而先本根督臣總制陝甘當籌兩

省全局甘省此時之患在兵多而不能戰或被奸回輾困或與土匪勾連見在存營名冊未可覆按而陝省西北各路已大受甘軍之累卽如胡世英一軍十營經署督臣檄來延安日久坐視回土各逆剽掠曾無一矢相加撤之使去則欠餉已鉅督之使戰則挫衄無疑卽此類推甘軍大概可想陝省挽回交訖又益以甘軍潰勇串合蔓延勢方岌岌陝境不靖甘餉從何轉運軍事先陝後甘餉事亦不得不迂緩就急臣今日在陝固不能視甘肅爲遐方異日入甘亦仍以陝西爲根本可否敕下署督臣穆圖善將甘軍屢經譴責有名無實各營覈實察驗綜計每月支用實需餉糧若干咨臣商議然後議立兩省分總糧臺酌量緩急分別撥濟通爲正辦未上穆圖善復以缺餉危迫情形入告

上諭公量籌接濟且督公速清陝境捻匪入甘受事公覆奏曰臣查署督臣穆圖善原摺所稱甘軍一百四十營之多均非不戰而食屯兵無賊之地等語各省協甘的餉不及二十萬兩

而甘軍除慶涇等軍由西安糧臺發餉外其在甘肅各臺支餉者每月餉尙需四十餘萬兩眞不待知者而知其難楊岳斌入甘時銳進蘭州於後路未暇深慮迨身入重地顧此失彼迺思增兵益餉勉彊支持已爲失計聞其去甘之先各軍多不戰而潰或相率潛逃穆圖善接署督篆各營勇丁或潰散爲匪或私入秦楚軍中充勇計見在存勇斷不及半此非臣一人逆億之詞也穆圖善旣壹意主撫其分駐各營果有戰事與否臣不敢知但道路傳聞穆圖善勒兵出郭受河狄逆回之降倉卒被賺陳亡提鎮參游數人弁勇多名逆回遂圍甘肅省城幸彭楚漢至解圍其餘近接陝界之回逆方各

出巢內犯陝境甘軍當少戰事臣自入關以來未接穆圖善
函商兵餉進止機宜八月曾致信穆圖善婉陳一切竊謂甘
回非盡不可撫必痛加懲創使逆回有所畏設法安插使良
回有所歸而後撫局可成甘軍非盡不可戰必簡汰疲乏覈
併虛浮以所搏節之餉勻加精銳有制之軍使一軍有一軍
之餉一軍得一軍之力而後戰事可恃若不早爲變計指望
不可必得之協餉遠贍飢軍聽各統領營官按月索取而又
無以應之其虛勇旣挂名餉籍概成積久其實勇不敷日食
未免擾害民間營官不能行其軍令勇丁必致別滋事端將
如病者之偏體風痺不能運動何以爲勦更何以爲撫臣身

任陝甘總督不能早清陝境入甘任事夙夜疚心此時穆圖善所辦之事卽臣異日接辦之事心有所知豈敢以未嘗預聞置之不顧至甘軍待餉危迫臣籌撥銀米已縷悉具陳臣竢勦捻事竣自當先勦陝甘交界之回節節掃蕩而西惟不敢冒昧從事急趨蘭州致蹈楊岳斌故轍亦不敢久曠職守而以危苦之事累人擬請

敕下署督臣穆圖善竢臣軍行入甘境卽將陝甘總督關防派員齎送臣營臣卽當接篆任事穆圖善縱不奏催臣亦屆時請旨區區愚忱斷不敢有所選擇有所趨避致負平生也辛丑捻遂陷延川掠清澗綏德北趨葭州丙午慶陽回自延安出陷綏

德擒復回竄綏德與合丁未劉厚基軍復延川其日劉松山
郭寶昌自宜川整旅繼至合軍進清澗公聞延綏迭陷請
旨下部議罪已部議革職

優旨令任事如故公迺趣劉郭軍繞扼榆林而靈州民董福祥以
回亂嘯眾自保轉掠花馬池定邊慮前入安塞擒走甯條梁
與合檄山西河保軍分防包頭旋

朝旨命西安將軍庫克吉泰赴邊防勦會安塞擒南竄公以花馬
池距甯夏近薦署甯夏將軍金順代其行戊申汧陽回進圍
鳳翔屯將孫立士戰外已酉楊和貴各軍自扶風趨赴大敗
回於鳳翔城東回解圍走岐山扶風楊和貴方引兵躡追甘

肅河狄回三萬人太入犯汧陽隴州復回軍鳳翔禦之同時
正甯回入擾邠州而北山回結土匪潰勇往來洛川中部宜
君益盛時出窺韓城郃陽渭南告警當是時捻自南而北千
有餘里回自西而東亦千有餘里陝西主客軍之能戰者不
及五萬人旣以鳳翔急復分渭南防軍西趨扼之十一月辛亥
黃鼎軍繞靈臺出鳳翔聞河狄回方攻汧陽疾引軍進戰參
將徐占彪陷陳入寇大敗外者三千人走合扶風回攻岐山
不能下乙卯併趨鳳翔楊和貴軍方拒戰城東回自扶岐大
至鈔其後迺結礮車爲圓陳相拒而別率精騎衝其中堅戰
一日斃回二千餘人抵暮黃鼎軍至夾擊復敗之回自東北

川口遁入山同時譚玉龍迭破回邠州三水回走還正甯邠
鳳略清而北山回屢爲劉典高連陞軍所敗乍逐乍至終不
能絕已而回眾萬人乘虛窺耀州劉端冕馳出楊家店大破
之窮追三日夜殺二千餘人高連陞復追破之于中部而自
洛川以北至鄜延回氛四塞莫能禦已未劉松山郭寶昌會
劉厚基攻綏德復其城回出走米脂捻復分道南竄於是劉
厚基出東北追回劉松山郭寶昌回軍由延川延長宜川循
西岸要捻辛未軍抵宜川忽回逆自交口大出遮官軍畱軍
戰一日破其屯而捻遂於是日取閒道南趨出大河山西以
河冰未結遙各軍北防而公前所請增募之軍未至

批札卷
二批李

羅南六塘疏防被劫稟云賊由冰橋渡河實由晉防兵單而
增募八營始敷分布一疏不佞主稿促前晉撫具奏事在上
年七月而晉撫以爲不急之務一月始繕發奉旨後又攔
置久始允回南募勇賊竄豫竄直凡兩月餘而南軍始到其
時賊敗竄衛輝又乘淮軍之隙竄開州矣然不佞未嘗一語
推之晉人賊之竄晉并由豫竄直東夫豈無辭可諉然宵旰
憂勞之際豈臣子忽一夕南風驟起冰橋成壬申劉郭軍追
計較功罪之時哉至捻已先一日自龍王辿東渡入晉劉郭軍遂乘冰急追捻
已連陷吉州鄉甯山西大震巡撫趙長齡按察使陳湜俱得
罪公急調喜昌率馬隊取道孟津東趨澤潞檄豫軍將馬德
昭自潼關防解州運城護鹽庫而自請入晉督師是時東捻
勢已衰

詔迓宋慶程文炳張曜各軍分道趨山西河北

命公兼制其軍於時西岸捻未渡者合回逆分擾洛川澄城邵陽而甘東回悉屯聚涇州復圖入犯陝境公檄譚玉龍黃鼎兩軍分道出長武拒涇州回楊和貴守渭北周紹濂劉端冕周金品各軍由邵陽澄城取道河濱赴宜川以西遏回捻東竄時劉松山郭寶昌已復吉州鄉甯捻竄河津稷山劉郭軍追及之復南走絳州十二月庚寅合軍進洪洞繞寇前縱擊大敗之捻遂由絳縣趨橫嶺關出垣曲已復東走入河南濟源公念捻鋌走東路則畿南震動而官軍自垣曲而東勢居寇後奏以劉典高連陞督各軍畱陝西調西路軍五千人親率之擬取道山西蒲州入直隸復南下以要寇丁酉發臨潼以

兵事急請由海關續借洋款二百萬兩備軍餉庚子喜昌自
孟津渡河遇捻于河內遮擊大敗之劉松山郭寶昌軍亦自
濟源至遂合軍進捻益東趨衛輝丁未公抵潼關是月李公
鴻章平東捻是年置義田湘陰贍宗黨復使葺長沙故祠

爲族中士人館舍

家書甲子寄諸子書云試館改造義學舉行究需錢若干尙須添置義莊以贍族之

縹寡孤獨擴充備荒穀以救荒年吾苦力不贍耳帶兵五年
不私一錢任封疆三年所餘養廉不過一萬數千兩尙擬徵
一萬兩作京餉則所餘不過數千已耳按書牘是年與李仲
雲書始寄銀營建試館等事家書寄於甲子蓋又數年始就
緒也又按書牘卷八丙寅答彭雪琴書云先世貧苦憂悴
與兄家世相同見蒙國恩祿入甚饒而除置族田及湘陰
義舉外尙未敢別有需慨子孫之事不知者
謂其矯愛我者稱其廉均不得弟之心耳

詩有題鄧完

白先生日觀峯圖七古一首

同治七年戊辰公五十七歲

正月公抵介休會大雨雪遼州山徑險改由壽陽出井陘捻自新鄉直北犯直隸壬子劉松山郭寶昌合喜昌馬隊追抵磁州捻已擾及鉅鹿平鄉甲寅自南和繞西截擊敗之捻益北趨定州游騎犯保定己未劉松山軍至祁州疾趨前入屯清苑捻偵知有備折由祁州安平東南走饒陽先是捻倉卒入犯京畿震動宋慶張曜各軍皆未集

詔切責公及督師李公鴻章直隸總督官文公河南巡撫李公鶴年均奪職發神機營巡防丙寅公至壽陽聞捻北犯憂惶無措星夜督軍前進

上以擒南竄命公軍屯井陘遏賊西竄辛未進獲鹿復奉

詔總統前敵各軍山東巡撫丁公寶楨率軍入衛至河間遣將王
心安敗擒饒陽其日劉松山各軍追至復敗之城北王岡有
詔嘉獎擒西南趨束鹿甲戌劉松山軍進深州擒復北走定州劉
松山復馳防保定是時張曜宋慶程文炳軍先後至屯保定
迺西滿城山麓擒迺由祁州分擾蠡縣高陽戊寅公自正定
赴保定檄各軍分三路自東北西北壓剿而南上奏曰臣維
擒逆慣技在飄忽馳騁避實就虛始猶馬步夾雜近則掠馬
最多其乘官軍也每在出隊收隊行路未及成列之時遇官
軍堅不可撼則望風遠引瞬息數十里俟官軍追及則又盤

旋回折亟肄以疲我多方以誤我其欲東也必先西趨其欲北也必先南下賊馬而我步賊輕捷而我重贅賊恣掠而馳官軍必待糧而走賊專用長矛官軍則必兼用槍礮故賊速而官軍遲尾追之戰多迎頭之戰少盤旋之日多相持之日少見在妄圖北犯暫無南竄之意直隸地勢平行無岡阜塘濠足限戎馬主客各將領身經百戰與劇賊周旋日久非不思迅與驅除早圖蔽役而局勢固有難焉者賊蹤見距京畿不過三百餘里官軍南趨賊必北嚮迨折而北趨慮將又落賊後一也見在諸軍均已繞至賊北矣然賊由東南而西北諸軍盡馳而西賊由西南而東北諸軍又盡馳而東無論

往返奔馳兵力勞憊且恐併聚一方狂寇有時乘虛肆逞終
遂其北犯之計二也劉松山郭寶昌喜昌與臣書均頗以此
爲慮而欲於近

京之處設立重防然後放心向南縱擊臣維

畿內西南路以涿州爲總要南路以固安爲總要應請

欽派樸健將領率勁旅兩支一駐涿州一駐固安責令嚴防以重
形勢此爲近防之軍卽賊蹤稍遠亦未可遽撤也保定河間
天津三郡鼎峙保定距河間近而天津距河間稍遠見有重
兵在河間如天津有警尙可橫出截之然三郡屏蔽

畿郊儻涉空虛必多罅隙此爲且防且剿之軍隨時調度不可

併聚一方亦不可悉數南下也。其進剿之軍則視賊所向併力攻剿。如將賊逼過漣沱則與山東河南諸軍收夾擊之效。如賊逸出而北則與保定河間天津諸軍收夾擊之效。較之專防而不能剿專剿而無以爲防者稍覺周妥。臣謹擬就

諭指前敵各軍分別調撥以專責成。庶無前突後竭之虞。無顧此失彼之患。疏入。神機營已出屯涿州。復用戶部侍郎李公鴻

藻言

命恭親王節制各路統兵大臣并諸巡撫等於時侍郎崇厚守天津。丁公寶楨屯河間。李公鴻章安徽巡撫英翰公入援未至。詔總督官文公出省督師。公既至保定。迺自請身赴前敵。二月捻

掠任取走獻縣入深州境壬午劉松山追及敗之州城南擒
北竄祁州馬隊及寇東鹿舊城截寇爲數段步軍蹙擊大敗
之奪馬五千匹辛卯擒走博野突犯郭寶昌屯劉松山分軍
赴援追逐二十里其日公行抵蠡縣聞官軍圍急督軍進擒
引去壬辰趣諸軍自祁州分道南下而檄程文炳一軍趨正
定捉寇河濱公自屯祁州南張村癸巳張曜宋慶軍及擒於
深澤會劉松山軍乘夜夾擊殲寇數百名擒分東西挺走至
安平者爲淮軍將楊鼎勳郭松林所敗還竄饒陽劉松山各
軍已先至饒陽四面擊之擒奪路南走獻縣復嚮西走晉州
劉松山度擒將復北犯己亥急繞北乘之擒行遇大軍駭而

南奔掠深州折東北復走饒陽張曜宋慶一晝夜馳百六十里直入擣其中堅斬獲甚眾擒酋張五孩中槍外方擒自深澤分竄公率親軍西趨無極已聞擒折走東南疾繞由保定赴東路辛丑行至肅甯適饒陽敗寇向東南奔竄突遇公軍副將楊鳳元率馬隊迎擊擒分三路來撲戰逾時知爲公軍漸引卻公揮步隊竝進擒大奔敗奪獲馬械無算壬寅進至安平偵擒前竄深晉趣程文炳軍前擊擒騎數千結陳以待會大霧擒莫測眾寡接戰卽大潰拔難民三千餘人擒勢大燄癸卯擒遂掠晉州狂走渡滹沱劉松山郭寶昌喜昌追及北岸捕斬餘寇乙巳分道渡河擒伏騎南岸竣官軍半渡突

擊劉松山令先濟者輒營陳而督大隊渡畢鈔其後捻遁由趙州走鉅鹿捕生虜言捻軍械盡失圖復竄懷慶清化鎮伐竹爲矛以入晉於是公奏遼保定防軍屯北岸檄山西軍嚴防天井關封門口丁未由定州趨正定調春壽馬隊從征奏以劉松山爲翼長三月捻由成安渡漳走彰德辛亥公抵順德捻已掠衛輝趨懷慶公馳進彰德壬子捻眾果分赴清化伐竹張曜宋慶軍循衛河要之捻折由修武東趨癸丑劉松山追軍抵獲嘉疾出延津遮擊甲寅及之封邱破賊營二十郭寶昌深入被數創郭運昌代領其軍捻遂北走滑縣犯張曜宋慶屯劉松山程文炳馳至擊走之辛酉方議合軍進追

捻忽大至，迺以輜重置中，爲方陳，竝進。捻見官軍輜重併力，攻陳不得入，稍引卻。劉松山揮馬隊，張左右翼以進，寇披靡。會郭松林、楊鼎勳由北路鈔入，寇益大潰，追逐二十餘里，殺千餘人。捻遂自衛輝還走延津，各軍追迫之。復由延津迤南，西竄陽武。先是，公以捻東竄，封邱由彰德赴防。大名已聞捻折趨西南，復回軍河南境。己巳，至湯陰，宜溝驛偵捻騎已近衛河，疾督軍前扼五隆渡。捻方牽船欲渡，忽見大軍，遽毀船嚮東北馳。公遂循河抵禦，行兩晝夜，至大名龍王廟，渡終以公軍逼西岸，不得濟。折由開州南樂竄入山東，山東防軍悉調赴直隸。捻遂分掠朝城、莘縣、聊城。初，捻由直竄豫，李公鴻

章自翼州赴大名期各軍扼懷慶蹙賊太行黃河閒河南巡撫李鶴年亦以平捻自任而追師獨公所部劉郭軍及張曜宋慶軍自直隸尾賊而前日與接戰能及賊而不能制賊書牘卷十是年與李少荃宮保書云追剿之師如劉郭者自追此捻已閱年餘未嘗以休息爲請弟亦憐其勞苦未敢再加追促惟向來追賊均是一綫緊湊銜尾繼進故雖能及賊而未及接仗而賊已遠颺

上嚴旨詰責諸帥以捻竄東境復

命李公鴻章總統各軍責公專防直運於是恭親王奏限諸軍一月平捻丙子公會各軍由大名夾衛河趨臨清捻已渡運越吳橋直犯天津四月壬午公進德州丁公寶楨亦至檄東軍

將王心起等繞前援天津郭松林楊鼎勳潘鼎新淮軍相繼進公以運東各軍大集迺調秦豫各軍分起取道景州連鎮循西岸要寇甲申公自連鎮進青縣偵捻已由天津靜海南竄檄各軍由青縣渡運截擊而率親軍還扼連鎮上奏曰劉松山張曜宋慶等軍臣已飭其星夜東渡惟西岸未可空虛臣擬於初九日仍由西岸折回過連鎮後始敢東渡督剿蓋必先固直省逼賊趨東南然後可會合李鴻章丁寶楨英翰諸軍蹙之河海閒也此次句賊犯天津竄鹽臬高岩所致高岩滄州人因兵役追捕糾鹽臬馬賊約三千人投賊故賊已蹙仍張見在直東官軍實已數倍於賊而士卒轉戰疲勞將

領虛報勝捷兩者於軍情實有關係劉松山追捻東走海豐陽信己丑敗之武定城西辛酉前追至商河捕斬八百餘名捻南走荏平壬辰公渡運至吳橋是時運流驟漲河水亦倒灌張秋潘鼎新等開捷地閘注減河與天津防軍憑河守李公鴻章迺建議築長圍制賊於時李公自屯德州英翰公屯臨清丁公寶楨屯東昌檄淮軍會東皖軍自東昌循運河迤北畫地築牆以守公以爲當且防且剿長圍之外州縣二十餘未可任其蹂藉西岸固守必東路有追剿之師因賊以爲布置掣其狂奔之勢設防迺爲得力

上兩從其計已捻至荏平復折還劉松山追至平原敗之癸酉捻

冒雨越甯津北竄甲戌劉松山追敗之向家集公聞警自吳橋赴甯津令劉松山張曜宋慶爲三支向東北公自率程文炳一軍趨正北乙亥捻突犯減河防軍將善慶等憑河轟擊劉松山追軍亦逼舊滄州迺折走鹽山其日嚮午公軍至河濱聞捻甫退疾趨鹽山掘之丁丑至鹽山捻已出樂陵走德平迺回軍吳橋而檄各軍由甯津北下捻遂掠臨邑平原清平趨東運以牆工成復折而東閏月辛亥劉松山自德平躡捻至慶雲捻忽列騎抗拒官軍分三路大敗之捻遁於鹽山東北舉望火而繞西疾走滄州泊頭偷渡各軍蹙之走東光公方督軍築連鎮壕壘急分軍要擊捻繞由梁家集撲吳橋

劉松山各軍馳赴捻先夕越吳橋南遁當是時捻馳驚數百里聞防剿之師已逾十萬淮東皖各軍盛集德州臨清東昌公復遵

旨遣張曜宋慶程文炳歸李公節制而自吳橋至滄州捷地汎防軍獨公親軍五千人捻窘急時北竄圖撲過運西北路劉松山軍倏北倏南日夜與捻馳搏以久戰亦疲勞甚英翰公前奏郭運昌歸併皖軍至是運昌自請與湘軍合隊公遵令與劉松山喜昌兩軍分屯東光下口迤北與減河防軍接埃賊至爲迎擊之師

上復增命都興阿公爲欽差大臣督剿未幾捻復竄近陵邑德平

公令劉松山各軍出屯鹽山甫至捻已由武定至海豐大山
距官軍數十里急起乘之捻大敗南奔阻港水淮軍將郭松
林追師適進港南捻迺折由鹽山走樂陵五月李公復於臨
邑陵縣築牆屬之馬頰河捻分起由海豐狂竄鹽山滄州東
光圖撲滅河所至官軍輒擊敗之復由甯津竄出劉松山度
捻去路益窮將復北竄迺勒兵甯津以待時濟陽東數十里
橫牆未修以誘寇捻竄至忽沿河東北行壬辰遂自武定東
走海豐霑化劉松山軍道鹽山出海豐壬寅捻爲東豫軍所
迫由陽信還走海豐官軍乘夜猝出其北襲張總愚所踞邨
大破之乘勝西追寇狂走慶雲南皮黨眾益解潰甲辰奔甯

津公親督軍出吳橋截之沿途歸外者數千追至陵縣而還
六月捻徘徊陵邑濟陽淮豫軍迭敗之辛酉復鋌走甯津劉
松山乘夜壓賊軍而陳捻恟懼乘勢奮擊捻自相蹂藉歸誠
者相繼追至吳橋西南斃寇千餘人遂奔竄德平樂陵界劉
郭軍縱橫盪擊寇破散不復成行隊數日降者凡七千人張
總愚率殘眾由商河濟陽西走臨邑清平博平官軍四面圍
之會大雨徒駭河盛漲淮軍將劉銘傳等蹙之河濱張總愚
赴水外西捻平各軍帥爭馳告捷公方督各軍搜餘寇獨居
後有

詔詢問論功

晉公太子太保銜開迭次處分并交部照一等軍功議敘公以追
剿無功懇

恩收回成命不許七月公編審降眾分別資遣戊午奉

寄諭見在陝甘軍務緊要急須左宗棠統原部劉松山郭寶昌喜
昌等軍回剿左宗棠即飭令劉松山等拔營由山西渡河入陝將
鄜延綏榆等處回氛節節掃盪左宗棠著先行來京陛見除劉松
山等軍外各營將弁如有忠勇奮發願從西征者著李鴻章左宗
棠英翰曉諭各營聽候遴選歸左宗棠節制郭寶昌傷病未能銷
假卽著郭運昌帶領該總兵舊部先行西進前據崇厚英翰所陳
善後各條并著左宗棠妥速議奏欽此公覆奏曰臣於七月十三

日連鎮營次欽奉

寄諭比經恭錄行知劉松山郭運昌喜昌欽遵辦理一竅有頭緒
卽分起西還臣先由水路駛赴天津入

覲

諭旨除劉松山等軍外各營將弁如有忠勇奮發願從西征者并
著李鴻章左宗棠英翰曉諭各營聽候遴選歸左宗棠節制臣維
陝甘之事籌餉難於籌兵籌糧難於籌餉籌轉運尤難於籌
糧臣在陝時已曾約略陳明矣從前勝保多隆阿入秦楊岳
斌度隴皆務徵調兵勇爲迅速驅除之計卒至兵多餉絀回
患未平而潰勇叛卒之禍起譬猶貧人無隔宿之糧而張筵

召客彊作豪舉有不啗其謬者乎。論者謂兩淮之人。彊悍健鬪。用之秦隴。可以挫回氛之兇鋒。銷淮皖之隱患。於計誠爲兩得。臣竊以爲不然。江淮之民。尙氣任俠。古昔已然。非生而嗜亂也。巨逆如張洛刑苗沛霖。亦非果具梟雄之資。素蓄不軌之謀也。始奇其詐力而獎進之。繼悟其愚弄而牢籠之。終恨其桀黠。遂圖舉其類而盡殄之。譬猶癰疽初發。不用內託外消之方。其後迺爲剜肉之計也。淮皖諸軍。皆新立功。其將領皆富貴矣。若擇其樸勇而稍明紀律者。分統之以資鎮壓。又擇廉惠稍知方略之守令。拊循而化誨之。不出數年。積習當可一變。不此之務。迺思逐淮皖之隱患於秦隴。隱患在

畿郊驅而遠之。所謂逐腹心之疾。置諸股肱猶可也。隱患在淮
皖如圓驅之闕隴。是逐股肱之疾於股肱不可也。論者又謂
淮皖以軍入秦隴。必仍由淮皖給餉。臣迺過爲之慮。無迺太
愚。不知淮軍之餉千人每月約銀六千左右。雖與楚軍相等。
然近時每年止發九箇月之餉。計算每勇月不過三兩有奇。
此狙公賦茅之說也。士卒之驕逸而難禁制。其弊由此。皖軍
則每勇月不過二兩四錢。糧食由官給領。亦不過三兩有奇。
豫軍亦然。若至秦隴則糧價昂貴。較之各省奚啻倍蓰不籌。
津貼固無以濟其力而服其心。竟籌津貼此項餉銀。又將安
出。臣於張曜宋慶程文炳歸總統時。曾請行首功之賞。此暫

時之計耳若處糧價昂貴之地歷窮年累月之久勢何能支
迨日久無功或生他變而罪臣不善拊循不善駕駛臣固無
辭然將如秦隴何哉臣不得不早爲之計也見在各營將領
營求入陝者未必卽爲忠勇奮發無須招之使來各省挑軍
入陝之舉必將有之未必容臣挑選臣擬俟回陝後將陝甘
餉事悉心攷究度可養勇若干再擇營哨各官赴安徽河南
開募以符楚軍舊例此時誠未敢草率從事致貽後悔謹因
聖明垂詢而并陳之於是舉劉軍部將功尤異者易德麟章合才
麟章聞陶定昇唐光輝李雲貴何作霖黃萬友易致中余虎
恩胡文貴楊清源李就山陳廣發楊世俊十五人且奏曰劉

松山本湖南已故道員

賜諡壯武王鑫舊部臣十餘年前卽知之而未之奇也嗣由湖南從征入皖爲曾國藩所賞拔雖論功按階平進而屬望有加臣嘗私論曾國藩素稱知人晚得劉松山尤徵卓識劉松山由皖豫轉戰各省曾國藩嘗足其軍食以相待解餉至一百數十萬兩之多俾其一心辦賊無憂缺乏用能保垂危之秦救不支之晉速衛

畿甸以步當馬爲天下先卽此次巨股蕩平平心而言何嘗非劉松山之力臣以此服曾國藩知人之明謀

國之忠實非臣所能及特自各省言之不能不目之爲秦軍以各

軍言之不能不目之爲臣部臣無其實而居其名撫衷多媿
合無仰懇

天恩將曾國藩之能任劉松山其心主於以人事

君其效歸於大裨時局詳明宣示以爲疆臣有用人之責者勸

上善之八月己酉公行次天津甲寅入

覲丙辰

賜紫禁城騎馬已未

召見諭以進兵須由東而西力顧晉防無令內竄又

詢西事當何時可定公度進兵運糧之艱非二三年可能蒞事迺

謹對當以五年爲期

按是年入覲奏對之辭見於奏稿者卷二十八是年八月十六日籌備晉防

片云昨承 召見復承 聖諭諳諳以晉防為念跪聆
之下仰見 宸謨廣運至為周詳臣敢不竭盡心力之所
能為以冀酬 高厚卷二十九十月恭報旋陝日期摺云
臣親承 慈諭切職須由東而西不敢不慎益加慎書牘
卷十是年與劉壽卿翼長書云前此入 覲時面奉 諭
旨須由東而西力固晉邊無令內竄又按今陝甘總督楊公
昌濬奏公事實宣付史館摺云同治十二年關內肅清方戊
辰之至 召見之日左宗棠面奏西事以五年為期人或以驕
說之至 此果如所言詢其故則云 天威咫尺何驕也
新命甫下思及進兵運糧之難合山川道里計非二三年所
能成事 天語垂詢應聲而對實自發於不覺今之如期
亦倖耳 攷書牘卷十一庚午與英香嚴制軍書云弟前年入
覲蒙 諭詢何時可了此為當謹奏須假之五年而
聖意似以為遠辛未與吳子儒庶常書云西事艱險為古
今棘手一端鄙人冒然任之非敢如壯侯自詡無踰老臣亦
謂義不敢辭難耳前年入 覲面陳非五年不辦 慈聖
頗訝其遲由今觀之五年歲 庚申具疏陳陝甘餉事艱難曰
事即大幸耳足與楊奏相證 竊維陝甘籌餉之難天下共知其所以異於諸省者地方荒

瘠物產非饒一也。舟楫不通。懋遷不便二也。各省雖遭捻逆。髮逆之害。然或旋擾旋復。陝甘漢回錯處。互相仇殺。六七年以來。無甯宇。新疇已廢。舊藏旋空。搜掠既頻。避徙無所。三也。變亂以來。漢回人民。外亡大半。牲畜鮮存。種藝既乏。壯丁耕墾。并少牛馬。生穀無資。利源遂塞。四也。各省兵勇餉數。雖贏縮不同。然糧價平減。購致非難。陝甘則食物翔貴數倍。他方兵勇日啖細糧二斤。卽需銀一錢有奇。卽按日給與實銀一飽之外。并無存畱。鹽菜衣履。復將安出。五也。各省地丁錢糧外。均有牙釐雜稅捐輸。勉供挹注。陝西釐稅。每年尙可得十萬兩。內外甘省并此無之。捐輸則兩省均難籌辦。軍興旣久。

公私交困六也。各省轉運雖極繁重。然陸有車馱。水有舟楫。又有民夫足供雇運。陝甘則山徑犖确。沙磧荒遠。所恃以轉饋者。惟馱與夫。馱則騾馬難供。夫則雇覓不出。且糧糗麩料。事事艱難。勞費倍常七也。用兵之道。剿撫兼施。撫之爲難。尤甚於剿。剿者戰勝之後。別無籌畫。撫則受降之後。更費綢繆。各省受降。惟籌給資遣散。令其各歸原籍而已。陝甘則費由內作。漢回皆是土著。散遣無歸。非籌安插之地。給牲畜籽種。不可。其未及安插之先。非酌籌口食之資。不可。用費浩繁。難以數計八也。陝甘用兵頗多。爲時又久。亂後荒瘠殊甚。購糧不易。各軍每於人煙稍密。種植稍多地方。安紮營壘。始猶藉

稱保護莊稼給錢辦糧繼則捐派民間不給價值甚且搜掠殆盡民不敢爭以致轉徙流離變而爲匪或被逆回蓄養苟且偷生甘爲從教之人黨惡助逆章奏中所稱甘省飢民土匪大率此類居多若不及早覈實汰存予以實餉俾其有所藉口則軍令有所不行垂盡之殘黎靡有孑遺未荒之土地盡成榛莽而西陲之事不可復問矣臣之立意仿漢趙充國議開屯以省轉饋撫輯以業災民且防且勦且戰且耕不專恃軍威爲戡定之計者區區之愚蓋以辦回逆與勦羣寇不同陝甘事勢與各省情形各別將欲冀此一方永弭後患則固不敢急旦夕之效而忘遠大之規也通計陝西每年缺餉

一百五六十萬兩甘肅每年缺餉二百餘萬兩而屯田之資撫輯之費不與焉茲幸捻逆蕩平海內兵事漸息餉事亦藉資周轉合無仰懇

天恩敕下軍機大臣會同戶部酌議籌撥陝甘的餉俾微臣得從容整理以奠危疆

上下其議戶部奏於各海關六成洋稅項下指撥陝甘軍餉一百萬兩

從之癸亥公

陛辭出都時劉松山率所部次洛陽整軍公親軍各營取道景州先至彰德九月壬午公行抵彰德丙戌拔營西向先是山西

巡撫鄭敦謹奏請公分軍由晉渡河扼守榆林剿秦賊以固晉防公以爲晉防惟恃河流一綫秦軍轉戰而前勢難停軍久駐河岸上年綏德方復而賊從西南疾趨東竄爲大局憂應

敕山西巡撫綏遠城將軍於冰橋未成之先將轄境防務早爲籌畫未宜遠恃鄰省剿賊官軍爲固圉之計再蹈覆轍及是諭旨敕豫軍分防中路調張曜宋慶軍赴榆林復

諭公通籌全局公覆陳兵從秦出由東而西晉防尤宜謹嚴然後秦軍進剿無前突後竭之虞晉防復嚴得形格勢禁之道河防自河保以南夾岸山谷迤邐有險可據惟薩托清等處黃

流淺漫地勢平行。陝回鋌走草地。亦在意中。豫軍旣赴防北
路。應別立一軍。徑駐歸化。作爲游擊之師。時部撥海關洋稅
期。至十二月起解。而陝西甘肅同時需餉尤急。公迺請於山
西河東鹽課四川鹽釐。各提撥二十萬兩濟軍。且奏曰。陝西
每年缺餉一百四十餘萬兩。甘肅每年缺餉三百餘萬兩。均
經署撫臣劉典署督臣穆圖善陳奏。臣前疏請撥實餉。謂陝
西每年缺餉一百五十萬兩。蓋并臣親軍各營合計。不僅
百四十餘萬兩也。謂甘肅每年缺餉二百餘萬兩。蓋除歸併
陝西供支之甘軍而言。謂約止二百餘萬兩也。合兩省計之。
缺餉總在四百餘萬兩。從前髮逆捻逆未平。天下之患在東。

南財賦之鄉中原腹心之地勢固難以全局注之西北一隅茲幸各省解嚴計清釐積欠酌留兵勇爲費雖尙不資而節出之餉需贏餘之釐金洋稅不下千餘萬兩用東南之財賦贍西北之甲兵各省勢本有餘而陝甘則得半斯足至全局之安危不爭一時兵事之利鈍一面用兵卽須一面籌辦善後庶幾一了百了後必無災診疾雖在延醫處方必須購藥藥品足備攻達迺神治重病則藥不得輕治久病則功難求速應仍懇

天恩敕下軍機大臣會同戶部妥籌陝甘常年實餉自明年伊始事定而止每歲於各海關稅各省釐金項下劃提實銀四百

萬兩分給陝甘酌時勢之緩急定協餉之多寡臣當率在事諸臣盡心力之所能到者黽勉圖維與西事相終始期挈全境還之

朝廷斷不敢或作或輟虛負

恩知亦不至以餘粟餘財自汙素節

詔軍機大臣戶部集議辛丑公由孟津渡河十月丙辰至西安當是時劉典署陝西巡撫回土各寇爲楚軍所敗紛議求撫而剽掠不已東北則董福祥與李雙良高萬全等轉相招結侵擾延安綏德榆林潰勇飢民坵之衆常十餘萬西南則陝回馬正和白彥虎余彥祿崔偉陳林禹得彥馮君福馬長順楊

文治馬正剛馬生彥畢大才等踞甘肅甯州境。董志原號十八營。甘回及漢民被脅者屬人。其中寇氛北接慶陽。南連邠鳳。東北直達邠延。人數逾二十萬。公以回逆不能遠離巢穴。董高等則本事轉掠。其紛竄在意中。全局必須從東北入手。先平土匪。然後合力剿回。迺無他慮。於是分部防剿。各軍東北剿寇之師。金順屯榆林。劉厚基與知州成定康屯綏德。劉厚填屯延安。郭運昌軍已抵同州。檄由韓城赴宜川。以進延長。復疏請山西重歸綏之防。趣張曜軍由河保渡河赴榆林。劉松山軍自茅津入晉。道汾州以趨綏德。其剿回之師。中北路則高連陞。周紹濂。魏光燾分由宜君。中部鄜州進軍西逼。

以漸達慶陽而以劉端冕軍屯鄜甘扼其衝西南則黃鼎屯
邠州張岳齡喻步蓮屯隴汭蜀軍李輝武屯寶雞而逐吳士
邁洛川軍屯鳳翔與邠隴軍相連縱董志原回聞大軍西來
分黨犯鄜州中部洛川而以大眾西掠隴州同時董福祥亦
合甘回攻綏德李雙良等擾清澗延安各軍先後擊卻之十
一月陝回以飢窘復出撲甘肅正甯黃鼎自邠州赴援回折
走陝境劉倬雲敗之三水其自甘泉至中部者防軍周紹濂
擊之敗走白水邵陽澄城而回酋禹得彥等以糧盡詣隴州
求撫劉典見回已屢敗欲遂許之公曰乞撫而以糧盡爲詞
則猶非心服也益籌轉運督各軍進逼是月成定康敗寇綏

德回師擊李雙良清澗董福祥益北趨榆林邊而自綏德以至靖邊寇氛尤盛十二月丁未劉松山全軍自永甯渡河至綏德與成定康議董福祥據靖遠爲巢穴而黨眾肆擾榆延及邊內外官軍由綏德西北趨懷遠掃蕩而前則邊寇必回救而河防可以解嚴於是遣易德麟章合才與成定康所部先繞西攻大理川而自率各軍直趨小理川一日破其壘百餘斬首六千級生擒三千餘名解散以二萬計迺令成定康還守綏德分軍兩路追殺由懷遠折南至安定已復繞西至靖邊寇望風挫敗沿途拔出難民數萬生擒五千有奇寇外者倍之餘寇悉竄靖邊鎮靖堡公騰書松山曰雄師所指如

勁風掃羣擒斬解散各以數萬計不但榆邊內外即可肅清而官軍易客爲主全股可期殄滅貴軍門威略高遠機神敏速雖王壯武當年何以過之其時張曜自河曲渡河會金順劉厚基軍連破沿邊寇還屯古城董福祥自府谷東竄葭州成定康遣陳瑞芝喻先恕以軍蹙之餘衆走延川辛酉劉松山軍進攻鎮靖堡董福祥父惶懼率衆歸誠未定李雙良衆鉅走洛珠川西路回突入定邊高家灣距鎮靖堡各百餘里丁卯劉松山與蕭章開分道破平之董福祥李雙良等感松山威信相勸歸降者逾十萬迺拔選其精銳從征榆綏悉定董志原回益四出鈔掠北至定邊東北及甘泉延川迤東擾

宜洛韓澄西南竄汴陽隴州防軍分道馳擊日有戰事公前請增常年實餉久爲部議所持於是復上疏曰臣初次請撥西征實餉部臣以六成洋稅應夫豈不知各海關洋稅之早已提空也嗣請撥常年實餉四百萬兩部臣緩竣各省奏到之日夫豈不知各省釐稅本爲

國家固有之款各省可撥之款也臣據撫臣署督臣陳明短缺實餉四百萬兩其各省見協之款本不在內部臣又誤將見協之餉歸併臣續請之四百萬兩計算夫豈不知陝甘常年應撥之餉本不止四百萬兩也部臣爲各省籌應畱之款撤兵畱兵之款獨不當爲陝甘籌應撥之款用兵之款乎萬一

陝甘危局得以瓦全臣可稍延殘喘

國家之福陝甘之幸亦臣之幸也倘陝甘將來或因無餉而致決裂臣無所逃罪而內外諸臣謀

國之疏容有不能無遺議者應否請

旨敕下部臣各省督撫海關諸臣籌撥陝甘實餉彼此至誠許與急救危疆之處出自

宸衷獨斷臣之愚誠已盡於此

上趣戶部覆議 是年次子孝寬入府學